



070-12345678910987654321

了翁上座請大藏及有  
家書置之武州繁峙縣  
藏微等語院庭府中承  
為學者不敢許出院內  
當山二世鐵牛機謹識

禪宗頌古聯珠通集卷第三十一

宋池州報恩光孝禪寺沙門法應集

元紹興天衣萬壽禪寺沙門普會續集

祖師機緣

六祖下第七世之二

南嶽下第六世之餘

鎮州寶壽第二世禪師

嗣寶壽沿

開堂乃先寶

壽遺囑三聖爲作請主開堂日師方陞座聖便  
推出一僧師便打聖曰你恁麼爲人非但瞎却

這僧眼瞎却鎮州一城人眼去在師鄒下拄杖

便下座歸方丈 頌曰

三聖擔他寶壽鏘推僧出衆擬商量塞外將軍行正令直得盲人滿大唐

汾陽昭

寶華王座始登時三聖推僧決衆疑棒下分明無老少天下盲人幾箇知

黃龍南

金槌擲下如星疾好手接來不費力當時擲向洪波中千古萬古無消息

白雲端

黑白未分著著奇任他閑漢畔頭窺不知除却神仙手更有何人敵得伊

保寧勇

探馬飛來棒下寧瞎人翻滿鎮州城太平本是將軍建不許將軍見太平

真淨文

臨濟家風兩獻酬推僧棒瞎見宗師若非寶壽全機眼更有誰明此話頭

佛國白

法眼傳來付與誰三聖推僧決衆疑將軍令舉群夫駭直得盲聾徹四夷

智海清

寶壽開堂座始登當時三聖便推僧要知打瞎人人眼好向曹溪問老能

上方益

當鋒更不借全機勍敵須還作者知鍊馬放閒沙塞靜瞎驢千古少人騎

豐城收寶劖宇宙識人稀不入張華手焉能別是非

佛心才

170

180

190

驀刃開時飛鎌騎電光閃處擲金槌一城瞎却渾閒事直至而今成是非

佛性泰

寰中天子勅塞外將軍令萬里掃烟塵威雄難比並曲中直細中巖瞎却人眼真作略掀倒禪床捋虎鬚人平不語水平不流劒去久矣徒勞刻舟權柄在手專殺活大丈夫豈得自由

南華昌

矢在弦上不得不發擬議蹉過箭鋒一劄

京兆府天寧寺

寶壽開堂推出僧棒頭有眼要分明滿城人瞎誰能曉今古清風匝地生

陳山如

提起須彌第一鎌電光石火太遲遲象王行處狐蹤

絕獅子咆哮百獸危

徑山果

棒頭瞎却一城人三聖撩他寶壽瞋正令只堪提一半一盲引得衆盲行

鼓山珪

養得男兒要賭錢渾身無有寸絲纏是非窟裏和身入生成滅門中滿口宣

正堂辨

塞北千人帳江南萬斛船菩提窩裏坐總謂是虛傳

石菴

寶壽第二世在先寶壽爲供養主壽問父母未生前還我本來面目來師立至夜深下語不契翌日辭去壽曰汝何往師曰南方學佛法壽曰

汝且在此作街坊若是佛法紅塵浩浩談說一日在市中見二人相打一人近前打一拳云你是甚麼面目師覩之忽然大悟歸告寶壽壽深可之頃曰

開市相逢兩知識面目無來太廢力粉骨碎身未足酬一句了然超百億

海印信

南北東西是處游更深歸去月如釣春風一陣花狼籍不覺思量暗點頭

枯木成

甚妙也甚妙於此知性命擗鼻與一拳當時便打正

五祖演

十字街中六不收本來面目絕踪由縱饒悟得分明去已落儂家第二頭

禾山方

一拳拳倒黃鶴樓一趯趯翻鸚鵡洲幸有傍人爲著力自家端坐看揚州

佛性泰

一拳打就無面目碧眼胡僧覩不足秋來黃葉落紛紛六六反成三十六

南華昌

續寶壽作街坊鬧市中薦得父母未生前恁麼無面目最奇特大用現前無軌則

圓悟勤

春色依依柳色萋桃花猶夾杏花枝欲識本來無面目塵中方見丈夫兒

佛鑑勲

借路經過無面目因邪打正有拳頭衲僧門下無干涉徒用精金換得鑰

南嶽嚴勝

日增汝州西院思明禪師

嗣寶壽沿

僧問如何是伽

收藍師曰荆棘叢林曰如何是伽藍中人師曰蘿

兒貉子頌曰

毫髮不留縱橫自由闇外乾坤廓落大方無外優游

明明祖師意明明百草頭褫破狐疑網截斷愛河流

縱有回天力爭如直下休四衢道中淨衆牒放出鴻

山水牯牛

圓悟勤

增西院明在許州聞汝州南院出世元與同參遂

特去相訪纔入寺了曰啓和尚某甲無可人事  
自從許州來收得江西剃刀一柄上和尚院曰  
汝從許州來收得江西剃刀師於院手上招一  
招院曰侍者牧師以袖拂一拂便行院曰阿刺  
刺阿刺刺 頌曰

南院門前信莫窺登臨無不喪全威許州收得江西

信針芥相投只自知

增

池州魯祖山教禪師

嗣灌溪

因僧問如何是雙

恩怨林樹師曰有相身中無相身曰如何是無相身

金香爐下鐵崑崙 頌曰

海印信

有相身中無相身金香爐下鐵崑崙雙林別後無消息滿路風塵來往人

方菴顯

增  
吉州資福如寶禪師

嗣南塔湧

因陳操尚書來

畫圓相師於中著一點操曰將謂是南番舶主  
客釣鼈時下一捲礬復云天下衲僧跳不出布漫天網鯨鼈不上水底反身波前躍浪在彼在此千里萬里不著便處却能回閉了方丈依前來雙收

師便歸方丈閉却門 頌曰

雙放半合半開王賓全體用石女老黃梅  
李公要勸張公酒却被張公罰一盃珠遼團團休錯  
會還家拍手笑咍咍

別峯印

本無郢州芭蕉山慧清禪師

嗣南塔湧

上堂拈拄杖

曰你有拄杖子我與你拄杖子你無拄杖子我奪却你拄杖子靠拄杖下座 頌曰

有無今古兩重關正眼禪人過者難欲通大道長安  
路莫聽崑崙說往還  
芭蕉示衆世無隣與奪縱橫不易親雨散雲收何處  
去空令游子淚沾巾

正覺逸  
投子青

你有面前拈取去如無背後奪將來可憐黑漆先生  
底擊著千門萬戶開

枯木成

縱奪臨機得自由相逢切忌更擡眸轉身必合知時  
節擬議山藤便到頭

枯木成

芭蕉拄杖與奪直要當風眼活剝那纔昧隔生鼻孔  
遭他牽撮

佛智裕

有無與奪太謨訛拄杖當途不奈何好把斜橫禪椅  
畔免令就上長枝柯

文殊道

十字街道見成行貨擬欲商量漆桶蹉過

徑山呆

收舒無踪卷無跡日午晴空轟霹靂衲子驚迷失路

頭神號鬼哭知何極

玄寶示

趁水泛船隨泥作佛船行佛成水泥不物有拄杖兮  
與拄杖船中輕蕩漿無拄杖兮奪拄杖佛面巧出相  
好手芭蕉眼不開塞壑填溝何處來

月堂昌

赫日光中風雷雨雹海水逆流須彌倒卓走獸飛禽  
懸崖撲落塞外將軍生擒活捉捋猛虎鬚折蒼龍角

南堂興

相罵饒汝接觜相唾饒汝潑水等閒摸著蛇頭拍手

囉囉哩哩

弘庵頽

芭蕉舉起拄杖驚動森羅萬象蝦蟆飛過梵天眉毛

元在眼上

尼無著總

蠱毒之鄉水不可嘗沾他一滴渾家喪亡  
你有更須當面與渠無背手奪將來驀然夜半化龍  
去黑雨烏風裂地雷

虛堂愚

增

鼓山珪云五祖以拄杖子話請益白雲雲曰要  
會麼多處添些子少處減些子何故神仙秘訣  
父子不傳白雲和尚大似一錢爲本萬錢爲利  
殊不知如人善博日勝日貧老禪道多處添些  
子少處減些子自然到處恰好者箇筭法極省  
貢輸  
工夫你諸人要會麼乃頌曰

多添減少休那先支移拆變加三倍平生有子不須  
教一回落賺自然會

增

芭蕉清因僧問如何是透法身句師曰一不得

問二不得休曰學人不會師曰第三度來與汝  
相見頌曰

休問維摩卧病城羅山空自掩光陰流沙欲渡全無  
難莫聽鶯啼在那林

投子青

一不問兮二不休直須識取那釣頭再三回首來相  
見急水波心輓綉毬

六祖下第七世之三

清源下第六世之一

天皇

台州瑞巖師彥禪師

嗣嚴頭

師尋居丹丘瑞巖

坐磐石終日如愚每日喚主人公復應諾乃曰  
惺惺著他後莫受人謾後有僧叅玄沙沙問  
近離甚處曰瑞巖沙曰有何言句示徒僧舉前  
話沙曰一等是弄精鬼也甚奇怪乃曰何不且  
在彼住曰已遷化也沙曰而今還喚得應麼僧  
無對頌曰

一生長喚主人公不受人謾迥不同今日惺惺何處  
去滿山松柏起悲風

佛國白

彎彎新月聚三星誰信心王本自寧可笑瑞巖方丈

老夜深呼喚強惺惺

祖印明

瑞巖家風喚主人公昨夜南山虎咬大蟲

徑山呆

一主公死一主公活若解弄精鬼兩頭皆透脫

鼓山珪

自呼自應已惺惺不受欺謾理不輕池內白蓮香未  
已簷前山色四時青

白楊順

瑞巖常喚主人公突出須彌最上峯大地掀翻無  
覓處笙歌一曲畫樓中

天衣哲

不施棒喝喚主人公鴦王擇乳鴨類不同

高原泉

水洗水芋金博金瑞巖徹底老婆心自攜餅去沽村

酒却著衫來作主人

無量壽師

學道之人不識真只爲從前認識神無量劫來生死本癡人喚作本來身

無門開

磐陀漠漠秘蒼苔終日加趺兩鬢摧縱使不曾呼喚著何嘗謾得阿師來

天目禮

風前一曲動離情調古無人和得成自唱自斟還自飲至今猶自不惺惺

別山智

福州羅山道開禪師

嗣巖頭

閩王請開堂師陞

座方收斂僧伽黎乃曰珍重便下座閩王近前執手云靈山一會何異今日師曰將謂是箇俗

漢

五燈會元載云閩帥飲其法味請居羅山號法寶禪師開堂陞座方收斂衣便曰珍重時衆

不散良久師又曰未識底近前來僧出禮拜師

抗聲曰

也大苦哉僧擬伸問師乃喝出與舊載

八公案

稍異

頌曰

羅山忍俊不能禁大展家風吼一音紙墨如山書莫盡衲僧休向義中尋

洞山聽

紛紛雪影耀閻天閻主欣逢倍樂然一旦春風吹莫

地更無一點在階前

跋山如

須彌座上歛伽黎海口潮音闡大機世王大檀能灑

鑒靈山嘉會愈增輝

香

一道直如弦千古應無對縱有囓鏃機觸體成粉

續

碎

柏堂雅

瑞世優曇見最難異香浮動曉風寒自非世主垂青  
眼却作閑花野草看

增

羅山初謁石霜問起滅不停時如何霜云直須

寒灰枯木去一念萬年去函蓋乾坤去純清絕

點去師不契後謁巖頭理前問頭喝曰是誰起

減師於此大悟

五燈會元載云嘗謁石霜問去住不寧時如何霜曰直須盡却

師不契乃參巖頭亦如前問頭曰從他去住管他作麼師於是服膺與前稍異

頌曰

斫斷老葛藤打破狐狸窟豹披霧而變文龍乘雷而

換骨咄起滅紛紛是何物

天童覺

是誰起滅就窠打劫擊殺烏龜救得跋鼈

殺六嚴輝

起滅不停誰解看當機一拶透重關東西總是長安  
路蕩蕩無拘自往還

無準範

冷水點沸湯舌頭不出口可惜老巖頭慈悲成過咎

收增

石田董

出門

羅山在禾山遊同行矩長老出門次師把柱杖

向前一攢矩無對師曰石牛攔古路一馬勿雙  
駒後有僧舉似疎山山曰石牛攔古路一馬生

不倒三寅頌曰

春有百花夏有熟秋有涼風冬有雪若無閒事掛心

頭便是人間好時節

照堂

不踏門前路春歸又一年落花紅滿地芳草碧連天

鼓山珪

出門握手話分攜古道迢迢去莫追却笑波心遺劖  
者區區空記刻舟時

徑山果

增

羅山一日問巖頭和尚三十年前在洞山來又

今不肯洞山是否頭曰是又問和尚豈不是承嗣  
德山又不肯德山頭曰是師曰不肯德山卽且  
置只如洞山有什麼虧欠處頭良久曰洞山好

佛只是無光師便禮拜

頌曰

一箇銕額銅頭一人三頭六臂二俱借人鼻孔却與  
洞山出氣

南巖勝

不肯宗師滿大唐羅山禮拜錯商量洞山無佛人難  
措慚愧巖頭口放光

北菴顥

附

羅山因無軫上座問祇如巖頭道洞山好佛祇

是無光未審洞山有何虧缺便道無光師召軫  
黃韻軫應諾師曰灼然好箇佛祇是無光曰大師爲  
甚麼撥無軫話師曰甚麼處是陳老師撥你話  
處快道快道軫無語師打三十棒趁出軫舉似  
招慶慶一夏罵言至夏末自來問師乃分明舉

似慶便作禮懺悔曰洎錯怪大師 頌曰

格外談驚人句懵懂禪和徒指注酌然好箇佛無光  
言下迷宗空自忙賴有知音招慶在謗訛一夏爲雌  
黃雌黃出暗寫愁腸寄知識

福州玄沙師備禪師

嗣雪峯

示衆曰諸方老宿

盡道接物利生且問汝只如盲聾瘡三種病人  
吾汝作麼生接若拈鉢豎拂他眼且不見共他說  
不話耳又不聞口復瘡若接不得佛法盡無靈驗  
風山時有僧出曰三種病人和尚還許人商量否師  
曰許汝作麼生商量其僧珍重出師曰不是不

是

法眼云我當時見羅漢和尚舉此僧語使會

三種病人雲居錫曰只如此僧會不會若道

會玄沙又道不是若是不會法眼爲什麼道我

因此僧語便會三種病人上座無事上來商量

大家要知

有僧持此語請益雲門門曰汝禮拜著僧  
禮拜起門以拄杖拄僧退後曰汝不是患盲復  
召喚近前來僧近前門曰汝不是患聾門曰還會  
麼曰不會門曰汝不是患瘡其僧於此有省

頌曰

盲聾瘡瘡絕機宜天上天下堪笑堪悲離朱不辨  
正色師曠豈識玄絲爭如獨坐虛牕下葉落花開自  
有時復云還會麼無孔鐵鉢

雪賀顯

退後近前兼對辯相逢邂逅難回面春風驀地撼庭  
前還見落花千萬片

白雲端

雲門老子手親眼親因風吹火不費精神盲者便視  
聾者便聞雖然無語掛在口唇三種病人一種法門

佛鑑勸

盲聾瘡瘍接不得玄沙枉費閒心力扁鵲盧醫拱手  
歸三人俱是膏肓疾

鼓山桂

玄沙三種病人語透出雲門六不收莫待是非來入  
耳從前知已返爲讎

徑山果

收權生聾瞽瘡瘍要顯吾宗驗作家金剛截錢如

泥碎透金纔動失玄沙

汾陽昭

欲知三種人應用理常新未有纖毫法能爲中外塵

承明壽

五言題辭

曲二三見聞覺更是誰頓銷爍花簇簇處鷗鵠啼草  
薰薰時鴛鴦飛玄沙老玄沙老賴遇當年欠一著諦  
當之言徒唯然中間樹子半零落

契丹嚴真

玄沙三種接人諸人口耳現在不要開眼屎床特地  
移山塞海花裏幽禽語不休風光滿地誰人買

全

玄沙三種病人有理不在高聲引得香嚴老子却來

毒策

樹上懸身

龍門遠

玄沙以毒出人毒三種病人同一屋堪笑雲門老古

錐河裏失錢河裏撿

或眷體

盲聾瘡痘不相干莫被玄沙恣熱謾一句與君重剖

露老君頭戴楮皮冠

喻室明

聾盲瘡痘捉敗了也更問如何聾盲瘡痘

月林觀

曲設多方驗作家有誰親見老玄沙耳聾口瘡眼睛瞎五濁衆生數似麻

橫川琪

玄沙見僧來禮拜乃曰禮拜著因我得禮拜汝

其依傳燈錄所載其餘皆作因我得禮你

頌曰

拜我得禮你自笑沒道理豈獨玄沙翁天下人不是

覺海元

因我得禮你扶倒又扶起要行即便行要止即便止

寶峯明

夫子不識字達磨不會禪玄沙無此語切莫妄流傳

徑山果

利刀自斷命根不要依草附木若有一法與人永入

拔舌地獄

因我得禮你牽牛去飲水岸上蹄踏蹄水中觜對觜

高菴悟

續因我得禮你崑崙臥潭底雖然浪拍天身上無滴水

因我得禮你分明好慚愧玄沙不是癡咄開眼休  
瞌睡

雪堂行

收因我得禮你分明好慚愧玄沙不是癡咄開眼休  
瞌睡

照堂一

說你說我轉見話墮天地衆生元無一箇

典牛游

老鼠咬生銳十分滋味別貓兒左右看嚙唾也不徹

正堂辯

因我得禮你窮源須到底九九八十一閻羅王是鬼

止菴顏圓悟改云當下便

歸家不隔一番紙

因我得禮你事從叮囑起誰知白蘋風不在秋江裏

天目禮

因我得禮你莫放屁撒尿帶累天下人錯認自家底

蒙菴聰

玄沙一日普請往海坑斫柴見一虎僧曰和尚

虎師曰是汝虎歸院後僧問適來見虎云是汝

未審尊意如何師曰娑婆世界有四重障若人

透得許汝出陰界 東禪齊曰上座古人見了

道我身心如大地虛空如今人還透得麼 雪

竇云要與人天爲師前面端的是虎 頌曰

前虎後虎急須看取凜烈威風生綈爪距今古樵人

不回顧喪身失命知何數若回顧雄雄坐斷山前路

佛慧泉

猛虎當途獨振威爪牙真箇利如錐可憐不覺亡身者碎骨收來良可悲

保寧勇龍門遠

宗師方丈大慈悲是汝之言寔古錐萬里神光騰頂後肯將生死嚇愚癡

欲識玄沙虎覲面是誰覩直下透牢關全機超佛祖

禾山方

續玄沙見虎是汝多少人明自己色聲逼滿太虛有

底纖毫依倚

永明盡

老玄沙太饒舌覲面明明重漏泄衲僧於此便承當  
驗來未免眼中屑屑屑誰甄別火發新羅燒脚熱

海印信

山中有虎人世上有人虎常磨笑裏刀利牙爪可怖  
寄語花狸奴莫教渠上樹

慈受深

前面有虎元來是汝更問如何冤苦冤苦

月堂日

玄沙一日遣僧送書上雪峯和尚峯開緘唯白  
紙三幅問僧會麼曰不會峯曰不見道君子千  
里同風僧回舉似於師師曰遼老和尚蹉過也  
不知頌曰

故遣馳書通遠信不干文字示家風回來却報玄沙  
語蹉過分理更封

玄沙封白紙雪老却同風蹉過人難會古曲調不同

真如詰

玄沙封白紙雪老把火披元來不識字白日走須彌

雲蓋智

玄沙象骨眼睛烏白紙三番便當書千里同風多錯  
會一條拄杖兩人扶

慈受深

踏翻漁艇承家業笑出蘆花月正圓地闊天長三幅  
紙同風千里爲誰宣

佛心才

白紙三張通信去展開千里却同風陽春轉入胡笳  
曲不是風吹別調中

併性泰

續三番白紙問寒暄千里同風月滿船奪得高標全  
用處盤蛇口內打鞦韆

丹霞淳

白紙連封寄雪峯雪峯由是喜同風中間蹉過無人  
識齋後江城打暮鐘

佛陀遜

白紙馳來上雪峯雪峯千里却同風玄沙蹉過人難  
會熨斗煎茶铫不同

真淨文

鶼鷀夜夜連聲叫月下同人不忍聞啼得血流無用  
處不如緘口過殘春

三張白紙千里同風宗師蹉過衲子迷踪金烏飛出  
海門東風從虎兮雲從龍

野雲南

千里同風見不差僧持此語報玄沙不知蹉過如何  
也莫是玄沙蹉過他

橫川琪

玄沙因雪峯召曰備頭陀何不徧參去師曰達磨不來東土二祖不往西天雪峯然之頌曰  
驀然趯倒便知休百粵青山更不游從此七閩江上

月至今空照釣魚舟

佛國白

釣魚船上謝三郎趯倒須彌返故鄉應笑途中未歸客伶俜旅泊向他邦

本覺

未離閨底已還家纔跨飛鶴又眼花堪笑曾郎更心  
毒烏藤輕放老玄沙

遜菴演

玄沙南游莆田縣排百戲迎接來日師問小塘長老昨日許多喧鬧向什麼處去也塘提起衲衣角師曰料掉沒交涉法眼別云昨日有多少喧鬧法燈別云今日更好笑頌曰

夜壑藏舟澄源著棹魚龍未知水爲命折筋不妨聊一攬玄沙師小塘老函蓋箭鋒探竿影草潛縮也老龜巢蓮游戲也華鱗弄藻

天童覺

今日靜啾啾昨日鬧啾啾風定花猶落鳥鳴山更幽

人前提起袈裟角堪笑無端露醜惡二老風流出當家未明向上那一著

無際派

玄沙問鏡清教中道菩薩摩訶薩不見一法爲

增音

大過失且道不見什麼法清指露柱云莫是不

見遮箇法麼

同安顯別云也

師曰浙中清水白

米從汝喫佛法未會在

玄覽云且道玄沙恁麼道意在什麼處不見僧

問洞山云不見一法爲大過失此意如何洞山

云不見一法好言語上座一宿覺云不見一法

卽如來方得名爲觀自在普賢菩薩又云不見一法是大過失是一箇是兩箇試斷看

示頌曰

示頌曰

示頌曰

雪老門高兒女盛又能情重貴天倫把家幹蠱雖相似也有貪盃落草人

東叟頴

虛堂憑

密機深設穿利刃疾交鋒汗馬無人識重論蓋代功

玄沙因鏡清問學人乍入叢林乞師指箇入路

風師曰還聞偃谿水聲否曰聞師曰是汝入處

燈五

會元作師曰

頌曰

從這裏入頭上脚下俱濕雖然通得咽喉未免一場氣急風淅浪悠悠清風何處起人在木蘭舟

佛

慧泉

支那

續公古耶五九卷之二

二十一

一滴偃溪水四海少人聞直饒玄會得也是弄精魂  
天生碧眼崑崙兒有藝過人自不知幾度黑風翻大

法雲秀

海波心出沒自閒嬉  
風飄碎玉千峯雪雨滴巖花萬國春堪聽偃溪流水  
意潺潺終日不聞聞

白雲端 羅漢南

投老玄沙付鏡清返聞來聽偃溪聲如今洗耳滄浪  
在誰肯臨流便濯纓

吳古佛

滔滔無問說只爲太親切有誰曾共聞山河齊漏泄

楚安方

續收玄沙指示太深深引線須憑一寸針聞與不聞門  
外語勸君休向偃溪尋

文殊道

乾坤獨立從這裏入風吹不著雨打不濕

月林觀

一派寒泉下翠微玄沙拈出爲真機鏡清難向聞中  
入流水何曾洗是非

鐵山仁

增收玄沙因參次聞燕子聲乃曰深談實相善說法  
要便下座時有僧請益曰某甲不會師曰去誰

信汝頌曰

紫燕飛來繞畫梁深談實相響浪浪千言萬語無人  
會又逐流鶯過短牆

本覺

薄宦奔南北長憐客路塵濛濛烟雨裏深憶故園春

延壽慧

殺活交馳于聖不共救得眉毛失却鼻孔

空叟印

玄沙因僧問如何是學人自己師曰用自己作

牧一作是

麼

你自已

雲門云沒量大人被語脉裏轉却

僧問如何是學人自己門云忽然路上有人喚

衲僧齋你也隨分得飯喫

頌曰

是你自己莫相鈍置衲子兩兩三三祇道早眠晏起

大中隆

玄沙驢前雲門馬後更問如何合取狗口

雪菴鑑

玄沙因僧問如何是清淨法身師曰膾滴滴地上不見蘆花對蓼紅

天衣懷

頌曰

滴滴通身是爛膾釣魚船上顯家風時人只看絲綸上不見蘆花對蓼紅

楊無爲

膾滴滴地金色光法身全體露堂堂釣螺江上曾分化一葉漁舟泛渺茫

續稿清淨法身無可比病後依前滴滴膾燕鴻叫斷秋光老落葉飄來一樣紅

懷菴樞

滴滴通身是爛膾更無一點落西東若言不是知音者未免風吹別調中

高峯妙

玄沙因僧侍次以主丈指面前地上一點白問

曰還見麼曰見師如是三問其僧三云見師曰

你也見我也見爲什麼道不會 頌曰

你見我見十分成現打破荆棘林方知無背面一點從教徹古今黑白未分何處辨

玄沙因僧問如何是親切底事師曰我是謝三

郎 頌曰

本是釣魚船上客偶除鬚髮著袈裟祖佛位中留不

住夜來依舊宿蘆花

雪竇顯

親伸端的問君言莫比流沙少室傳昨夜鴈回雙嶺

後謝家人立月明前

投子青

閩山滄海浪悠悠父子生涯一釣舟忽爾踏翻深猛省大家收拾去來休

草堂清

杪秋時節水雲鄉千頃蘆花未著霜江景不將零碎賣一時分付謝三郎

祖印明

蕭蕭蘆葦映江流獨棹孤蓬漾小舟細雨斜風渾不顧一心只在釣竿頭

笑翁堪

玄沙示衆曰若論此事喻一片田地四正界分大船結契賣與諸人了也只有中心樹子猶屬老僧在頌曰

萬事由王老師樹子未屬你。在廣額屠兒成佛。二祖  
大師償債。鼓山珪

祖父田園都賣了四邊界至不曾留奈何由有中心  
樹惱亂春風卒未休。

祖父田園俱屬我中間。樹子豈由他連枝帶葉和根  
拔要見兒孫意氣豪。

遜菴演

玄沙曾指上頭關四海。禪流覺未闊。惟有漢朝天子  
貴彭城。垓上信旗還。

姜山愛

增玄沙曰亡僧面前正是觸目菩提。萬里神光頂  
後相 頌曰

嶺中奇特是玄沙。垂語諸方不易加。亡僧面前真心  
驗後人子細莫周遮。

石門聽

亡僧雖不是亡僧。既是菩提道自通。若更二途斟酌  
會非但無知兼耳聾。

般若柔

就中至直是玄沙。觸目全真話不賒。亡者面前親證  
驗更無偏黨絕周遮。衆林浩浩爭唇吻。恰似虛空捉  
幻花。

汾陽昭

增天衣懷云亡僧面前卽且置。只如活人背後底

是箇甚麼。頌曰

且置亡僧面前事。活人背後若爲逢。自從打破雲南

國直至如今塞北通

本覺一

增收玄沙云萬里神光頂後相沒頂之時何處望事

已成意已休此箇來踪觸處周智者聊聞猛提

取莫待須臾失却頭 頌曰

神光頂後照無邊萬里區區豈足言若問玄沙端的

意霜天夜半觸體寒

本覺一

增收玄沙嘗訪三斗菴主纔相見主曰莫怪住山年

深無坐具師曰人人盡有爲什麼菴主無曰且

坐喫茶師曰菴主元來有在 頌曰

傍菴來往路相通步步相隨躡去蹤山遠年深人不

到一溪流水質長松

率菴珠

增收玄沙見鼓山來作一圓相山曰人人出者箇不

得師曰情知你向驢胎馬腹裏作活計曰和尚

又作麼生師曰人人出者箇不得曰和尚恁麼

道得某甲爲什麼道不得師曰我得汝不得

頌曰

作者好求無病藥馬腹驢胎何處著鼓山當日可憐  
生鼻孔遭人白拈却

本覺一

增收玄沙見三人新到自打普請鼓三下欲歸方丈

新到具威儀了亦去打普請鼓三下卻入僧堂

久住來白云新到輕欺和尚師曰打鐘集衆勘  
過大衆集新到不赴師令侍者去喚新到纔出  
法堂卻於侍者背上拍一拍云和尚喚你侍者  
至師處新到便歸堂久住乃問和尚何不勘新  
到師曰我與你勘了也 最菴印云可惜放過

這僧乃頌曰

玄沙明修棧道新到暗度陳倉夜行各不相投投明  
共到咸陽嚴號令按條章明明四海清如鏡更於何  
處覓邊疆

頌古聯珠通集卷三十一

吳江周之賦施刻 頌古第三子一卷新父京生

淨土德定對徐普青芳鶚刻 丙申冬徑山寺鑄

禪宗頌古聯珠通集卷三十二

宋池州報恩光孝禪寺沙門法應集

元紹興天衣萬壽禪寺沙門普會續集

祖師機緣

六祖下第七世之四

清源下第六世之二

人祖福州長慶慧稜禪師

嗣雪峯

與保福遊山福問

古人道妙峯山頂莫卽遮箇便是也無師曰是  
卽是可惜許 僧問鼓山只如稜和尚恁麼道  
意作麼生山曰孫公若無此語可謂觸體徧野

白骨連山 頌曰

因上高巖到頂頭僧人致問已圓周是卽便是可惜  
許只恐同音別處游

汾陽昭

妙峯孤頂草離離拈得分明付與誰不是孫公辨端  
的觸體著地幾人知

雪竇顯

八萬四千非一一七金山內海滔滔妙高峯頂平如  
掌誰把長竿釣巨鼈

草堂清

攜手相將孰共行目前唯覩妙高山雲泥不隔來時  
路付與兒孫觸處看

佛心才

續 嘲鍼交鋒是作家不孤來問這些些知時及節因  
行事可惜茲人返嘆嗟

般若柔

是卽是兮可惜許擬心早涉三千里行人念路客思  
家達磨杖頭挑隻履

欽堂定

妙高孤頂忽登臨浩浩無風曰浪深除却鏡清長慶  
外此時誰更是知音

寶葉源

增 長慶因僧問如何是正法眼師曰有願不撒沙  
保福云不可更撒也 頌曰

願力山高豈足誇藏身露影數如麻若非保福親曾  
見誰信稜公更撒沙

收 長慶曰總似今日老胡有望保福云總似今日

老胡絕望 頌曰

天高鴻鴈侵雲舉地肅蛩蟬入草鳴渾是一秋風景  
裏客愁幾逐異鄉情

增長慶上堂撞著道伴交肩過一生參學事畢

頌曰

驀路相逢交臂過眉毛趯起莫蹉跎平生參學明何  
事悟了寧消一剎那

本覺一  
東叟額

增長慶因僧問如何得不疑不惑去師乃展兩手  
僧不進語師曰汝更問我與汝道僧再問師露  
膊而坐僧禮拜師曰汝作麼生會曰今日風起  
師曰恁麼道未定人見解汝於古今中有甚麼

節要齊得長慶若舉得許汝作話主其僧但立  
而已師却問汝是甚麼人曰向北人師曰南北  
三千里外學妄語作麼僧無對 頌曰  
展手之時萬仞摧枯河無水月無來若疑別問龐居  
士石女黃梅誰共陪

拔子青

增長慶因僧問有問有答賓主歷然不問不答時  
如何師曰相逢盡道休官去林下何曾見一人  
頌曰

人人盡道我心休問著何曾有地頭口說心違謾自  
已業河迅速任漂流

智門祚

長慶因僧問衆手淘金誰是得者師曰有伎倆

者得曰學人還得也無師曰大遠在頌曰

衆手淘金得者誰纖塵室礙豈能爲洪波浩渺黃金

遠四事無成空手歸

智門祚

衆手淘金誰可得巧有伎倆必能克墮侯得珠聞京

西下和獻玉在河北

湛堂準

漳州保福從展禪師

嗣雪峯

長慶云寧說阿羅

漢有三毒不說如來有二種語不道如來無語  
只是無二種語師曰作麼生是如來語曰聾人  
爭得聞師曰情知和尚向第二頭道慶却問作

麼生是如來語師曰喫茶去雲居錫云什麼處  
是長慶向第二頭道處 頌曰

頭兮第一第二臥龍不鑒止水無處有月波澄有處  
無風浪起稜禪客稜禪客三月禹門遭點額

顯寶

如來語爲君舉任是聾人得聞未免和泥合土喫茶  
保福亦憇癡似向雷門搗布鼓

佛慧泉

不說如來二種語三三爲九須重數何謂聾人爭得  
聞狐裘未免還移王  
無是無非歸掌握有聞有見隔關山始知一種如來  
語不在世人情解間

佛鑑勸

第一頭第二頭清風明月兩悠悠將軍戰馬今何在  
野草閒花滿地愁

南華呂丙

續撞牆撞壁曲不藏直摘葉拈花與儉寧奢羅漢有  
三毒如來有二語聾人爭得聞依舊喫茶去保福老  
保福老鋟眼銅睛還失了

月堂昌

便恁喫茶去還知第二頭可憐長慶老特地一場愁

寶葉源

貢  
保福因雪峯上堂曰諸上座望州亭與汝相見  
了也烏石嶺與汝相見了也僧堂前與汝相見  
了也師舉問鶩湖僧堂前相見卽且置祇如望

州亭烏石嶺甚麼處相見鶩湖驟步歸方丈師  
低頭入僧堂 頌曰

望州烏石與堂前相見相逢萬萬千唯有鶩湖并保  
福此時相見解推遷

汾陽昭

望州烏石常相見何故禪人却背違保福鶩湖雖得  
意埋兵曾未展鏘旗

海印信

登山過水幾區區特地相逢問道途堪笑華山潘處  
士長安路上倒騎驢

大洪遂

密密堂堂早二三本來無物更何堪癡人見了生歡  
喜作者相逢滿面慚

龍門遠

望州烏石與僧堂業識茫茫不可當提起衲僧拄杖  
子五湖四海沸如湯

續藕絲引鯨鼈針鋒輶芥投望州烏石嶺未唱已先

酬大唐擊鼓新羅舞覲面相呈不相覩

圓悟勤

望州烏石僧堂前驟步低頭隔大千若是咬人師子

子反身不在草頭邊

一翁如

增保福因僧問雪峯平生有何言句得似羚羊掛

角時師曰我不可作雪峯弟子不得 頌曰

人前慣出手退三添作九有眼未嘗看無家自能走

雪峯之句羚羊掛角作他弟子沒來由龍蛇陣上看

謀略

月堂三

雪峯未審何言句得似羚羊掛角時拊擊自然皆率  
舞不須羃管隔雲吹

增

虛堂愚心

一收保福問僧殿裏底是甚麼曰和尚定當看師曰  
會小釋迦佛曰和尚莫謾人好師曰却是汝謾我

又問飯頭鑊闊多少曰和尚試量看師以手作  
量勢曰和尚莫謾某甲師曰却是汝謾我 又

問僧汝作甚麼業來得恁麼長大曰和尚短多

少師蹲身作短勢曰和尚莫謾人好師曰却是

汝謾我 又問僧汝名甚麼曰咸澤師曰忽遇

枯涸時如何曰誰是枯涸者師曰我是曰和尚  
莫謾人好師曰却是汝謾我頌曰

保福四謾人真中道理親兩兩從頭舉雙雙句後明  
若也更不會新羅打鐵丁

竿木隨身老作家逢場作戲更難加謾人謾我無人  
會水長船高眼裏沙

一箇人謾四箇人四人謾一一謾親思量一代謾人  
漢遞代相謾謾殺人

佛國白

一般見得有多般若也謾他實自謾要識展公端的

處水闊山高天色寒

東林總

保福從來不謾人問著禪流總及身浴鑊量來闊多  
少兩長一短是誰真

普

詎王

保福因僧侍立問曰汝得恁麼麤心曰甚麼處

是某甲麤心處師拈一塊土度與僧曰拋向門

前著僧拋了却來曰甚麼處是某甲麤心處師

曰我見築著磕著所以道汝麤心頌曰

晨朝有粥齋時飯展鉢開單飽便休築著磕著如薦  
得不風流處也風流

增  
收

尼無著總

保福與甘長老相看鄭十三娘纔坐定師乃問  
承聞十三娘子參見鴻山是否曰是師曰鴻山

遷化向甚麼處去鄭起身偏床而立甘曰閑時說禪口似懸河何不道取鄭曰鼓這兩片皮堪作甚麼甘曰不鼓這兩片皮又作麼生鄭曰合取狗口

頌曰

鴻山遷化絕音容趯起眉毛何處去十三娘子側身時放出金毛師子子

南堂典

禪禪鄭十三娘握玉鞭正法眼更參三十年

南巖

勝

杭州龍冉寺道忿禪師卽鏡清嗣雪峯僧問學人未達其原請師方便師曰是什麼原曰其原師曰若

是其原爭受方便僧禮拜退後侍者問曰和尚適來莫是成他問否師曰無曰莫是不成他問否師曰無曰未審畢竟意作麼生師曰一點水墨兩處成龍其原一作其源

頌曰

成龍兩處若爲分碧眼黃頭笑未聞莫怪鏡清多意氣他家曾謁聖明君

正覺逸

鏡水平湖碧湛然茫茫曾未達其源王維妙鏡手堪圖畫一點成龍兩處全

保寧勇

手把空行未是難難中難是問其源其源未達奈何也且看成龍點下分

雲溪恭

學人未問指其源句裏明機好細觀自語不能知  
落處煩他我作費言端

冰稜鎖斷長河口不見人從鳥道來一陣風回脩竹  
裏玉闌干上雪成堆

心開賁

源泉混混望無涯澄湛平如鏡面開兩處成龍一點  
墨幾人換却眼睛來

寶葉源

鏡清問僧門外什麼聲曰雨滴聲師曰衆生顛  
倒迷已逐物

五燈會元於迷已逐物下曰

和尚作麼生師曰

洎不迷已曰洎不迷已意旨如何師曰出身猶

可易脫體道應難 頌曰

虛堂雨滴聲作者難酬對若謂曾入流依前還不會  
會不會南山北山轉霧靄

雪竇類

是甚麼聲雨滴浩浩迷已逐物衆生顛倒

楊無爲

簷前雨滴聲正在眼中鳴貪他蓑笠者失却舊茅亭

順流逆流轉物物轉良哉觀音快逢其便出身脫體  
自分明門外依前雨滴聲

圓悟勤

續明頭便打暗裏閃過盡底活時死中要坐門外簷  
間雨滴聲衆生顛倒逐迷情可憐洎不迷已處出得  
身來體未明

月堂昌

簷頭雨滴階前地濕法法現成人信不及更問如何  
長江水急

簷頭雨滴聲歷歷太分明若是未歸客徒勞側耳聽

白楊順

慈受深

門外依然雨滴聲萬般巧說爭如實平生心膽向人  
傾相見還同不相識

卍菴顔

直下全提是鏡清脫難出易語分明這僧更是能親  
切聽得簷頭雨滴聲

寶葉源

鏡清問僧門外是甚麼聲曰蛇蟲蟬蟆聲師曰  
將謂衆生苦更有苦衆生

頌曰

將謂衆生苦更有苦衆生相見易得好共住難爲人

卍菴顔

鏡清問僧門外什麼聲曰鶴鳩聲師曰欲得不  
招無間業莫謗如來正法輪 頌曰

招無間業莫謗如來正法輪  
聞聲見色非聞見見色聞聲是見聞欲得不招無間  
業莫謗如來正法輪

卍菴顔

鏡清因僧問聲前絕妙請師指歸師曰許由不  
洗耳曰爲甚麼如此師曰猶繫脚在曰某甲祇  
如此師意又如何師曰無端夜來鴈驚起後池

秋頌曰

飄風揚塵落花流水聲前絕妙無處著觜鶯起後池  
秋許由不洗耳容貌好西施開唇不露齒

方菴頌

鏡清因僧問學人啐請師啄師曰還得活也無  
曰若不活遭人怪笑師曰也是草裏漢頌曰  
古佛有家風對揚遭貶剝子母不相知是誰同啐啄  
啄覺猶在殼重遭擗天下衲僧徒名邈

雪賣頭

語見人心苗見地頭痛痒喝如聾諸方開口不同

用寶印全機繼祖風

佛國白

啐啄之機不謬傳軒轅寶鑑正當軒萬緣喪盡泥中  
土四海澄清月在天本分鉗鎚須煅煉自家爐鞴且

磨研相逢莫問參玄事此去西天萬八千

佛鑑勤

河目海口釘觜鐵舌雞宿鳳巢素非其鴨直饒啐啄  
同時未免當頭一劄

佛性泰

拔鏡清因僧問如何是大道之源師曰從這裏流  
出頌曰

從這裏流出滔滔無盡日巨浪湧千尋誰知一滴

無準範

增鏡清一日於僧堂前自擊鐘曰玄沙道底玄沙

道底僧問玄沙道甚麼師畫一圓相僧曰若不

久參爭知與麼師曰失錢遭罪

宗門統要作師  
曰還我草鞋錢

來 雪竇云泊被打破蔡州 圓悟云爛泥裏  
有硬刺 頌曰

鏡清湖心拋一餌錦鱗躍浪上鉤來幾乎掣斷竿頭  
線引得傍觀下釣臺

石溪月

鏡清問雪峯古人有言峯便倒卧良久起曰問  
甚麼師再問峯云虛生浪死漢 頌曰

尋常愛客恨無來及至人來懶話陪空卧早知眠不  
當虛勞紅焰落寒灰

投子青

鏡清因僧問新年頭還有佛法也無師曰有曰  
如何是新年頭佛法師曰元正啓祚萬物咸新

曰謝師答話師曰鏡清今日失利 頌曰

七寶盃酌蒲萄酒金花紙寫清平詞春風院靜無人  
見閒把君王玉笛吹

心聞貴

新年佛法答云有小盡依前二十九玉麟掣斷黃金  
勒却向雲中大哮吼

懶菴樞

增

又僧問明教寬新年頭還有佛法也無師曰無

曰日日是好日年年是好年爲甚却無師曰張  
公喫酒李公醉曰老老大大龍頭蛇尾師曰明  
教今日失利 頌曰

新年佛法答云無會得依前在半途誰把扁舟清夜

笛月明吹過洞庭湖

懶菴樞

新年佛法播真風笑殺街頭賀歲翁三級浪高何處

去謾將雙劍定雌雄

雪堂行

南堂興云鏡清道有時失利明教道無亦失利  
且道謔訛在什麼處徑山呆云一人向高高

峯頂立不露頂一人向深深海底行不濕脚是

則是未免有些謔訛頌曰

新年景物漸舒蘇佛法徒勞問有無得失是非都喪  
却波斯鼻孔自來龐

建隆原

穩密田地神通游戲佛法新年頭有無俱失利一槧

等虛空豈容立巴鼻草上之風祖令行誰云雷罷不  
停聲

圓悟勤

新年佛法鏡清有須信親言出親口新年佛法明教  
無西天鬍子沒髭鬚可笑兩翁同失利南海波斯失  
却鼻太平今夜太郎當還如雪上更加霜歲寒孫臏  
收却劒釣魚船上謝三郎

佛鑑勤

增收福州鼓山興聖神晏國師

嗣雪峯

一日參雪峯

峯知其緣熟忽起擗住曰是什麼師釋然了悟  
更笑亦忘其了唯舉手搖曳而已峯曰子作道理邪  
曰何道理之有峯審其懸解撫而印之頌曰

幕被曾郎攜著胷平生途路忽然窮無端擡手輕搖  
曳笑倒南方大頂峯

竹屋簡

收增鼓山上堂垂語曰鼓山門下不得咳嗽時有僧  
咳嗽一聲師曰作甚麼曰傷風師曰傷風卽得

頌曰

遼空一箭九重城雪老門風儘有聲見說禁班宣號  
令那邊渾不許人行

虛堂愚

收增鼓山有偈示衆曰直下猶難會尋言轉更賒若  
論佛與祖特地隔天涯五燈會元於此偈下曰師舉問僧  
汝作麼生會僧無語乃謂侍者曰某甲不會請

代一轉語者曰和尚與麼道猶隔天涯在僧舉似師師喚侍者問汝爲這僧代語是否者曰是金師便打趁出院  
頌曰

國師樣子太慈悲入草何如出草時射透九重聖箭  
子依前特地隔天涯

石溪月

青山明州翠巖令參禪師

嗣雪峯

上堂曰今夏與諸

兄弟語論看翠巖眉毛還在麼此依傳燈所載五燈會元與傳燈異乃曰一夏與兄弟東語西話看翠

巖眉毛在麼長慶云生也雲門云關保

福云作賊人心虛翠巖芝云爲衆竭力禍出

私門 頌曰

翠巖示徒千古無對關字相酬失錢遭罪老倒保福  
抑揚難得嘵嘵翠巖分明是賊白珪無玷誰辨真假  
長慶相諳眉毛生也

壬子寶題

青山岌岌綠水滔滔穿過鼻孔落盡眉毛  
大洪遂  
作賊保福擔枷過狀生也長慶迷真逐妄掩關雲門  
秋江月亮老倒翠巖眉在眼上  
死心新

金鉗血色透雲袍閻外威權膽氣豪打破魔王山  
鬼窟碧潭深處釣鯨鼈

南堂興

天魔訪佛桀犬吠堯巍巍大人聖德可昭

蒙菴岳

萬鈞之弩射何人箭未離弦已喪身帶累盲龜失浮  
木欲來火裏透金塵  
伊菴權  
發言先要心無愧爲事應須理處長莫學里間無信  
者從朝至暮錯商量  
虛堂思

太原孚上座

嗣雪峯

鼓山問父母未生時鼻孔

在什麼處師曰老兄先道曰如今生也汝道在  
什麼處師不肯山却問作麼生師曰將手中扇  
子來山與扇子再徵之師默置山周測乃歛之  
一拳  
頌曰

父母未生前鼻孔在何處蒙林老作家俱昧藏身句

鼓山雖見機未免擇門戶搖扇太原孚播弄間家具  
山中春色深飛花落無數

父母未生前生也只如然一般拈掇能奇特直下渾  
如火裏蓮輝今耀古極妙窮玄大可憐清風長滿座  
一念八千年

續高安灘頭百雜碎象骨峯前眼搭癡敢道鼓山無  
鼻孔藪林千古笑嘻嘻

正堂辨

增孚上座參雪峯聞乃集衆師到法堂上顧視  
雪峯便下看知事明日却上禮拜曰某甲昨日  
觸忤和尚峯曰知是般事便休 頌曰

鼻

佛慧泉

李廣將軍古今無對深入虜庭全身遠害不動干戈  
贏小捷至今邊塞嘉聲在

海印信

雪峯集衆待孚公上堂一顧便西東明日却云曾觸  
忤公案從來是幾重

本覺一

針頭削銕牛背拔毛多將少使冷作熱燒直上法堂  
便下去觸忤和尚重解註知是般事休便休茫茫塞  
壑與填溝

月堂昌

壯氣如虹上法堂就籬縛犍恰相當若言觸忤老和  
尚雪上無端又著霜

杆巖玉

增

雪因往聽講至三因佛性三德法身廣談法身妙理禪者失笑師講罷請禪者喫茶曰某甲素志狹劣依文解義適蒙見笑且望見教禪者曰實笑座主不識法身師曰如此解說何處不是曰請座主更說一徧師曰法身之理猶若太虛豎窮三際橫亘十方彌綸八極包括二儀隨緣赴感靡不周徧曰不道座主說不是祇是說得法身量邊事實未識法身在師曰既然如是當爲我說曰座主還信否師曰焉敢不信曰若如是座主輒講旬日室內端然靜慮收心攝念善

惡諸緣一時放却師依所教從初夜至五更聞鼓角聲忽契悟扣禪者門曰阿誰師曰某甲禪者咄曰教汝傳持大教代佛說法夜來爲甚麼醉酒臥街師曰禪德自來講經將生身父母鼻孔搘捏從今已去更不敢如是曰且去來日相見師遂罷講徧歷諸方頌曰

一曲單于風引長孚公聞處是宮商至今夜夜維陽客空聽樓頭聲斷腸  
誰將畫角吹江城一曲梅花隔岸聽宿酒乍醒金鴨冷海棠枝上月猶明

本覺一  
懷菴樞

增  
收

孚上座掌雪峯浴室一日玄沙上問訊雪峯曰

此間有箇老老鼠子今在浴室裏沙曰待與和尚勘破言訖到浴室遇師打水沙曰相看上座師曰已相見了沙曰什麼劫中曾相見師曰瞌睡作麼沙却入方丈白峯曰已勘破了峯曰作麼生勘伊沙舉前語峯曰汝著賊也 頌曰象王象子儘相隨岸上人看蹄踏蹄香草細餐知飽足歸來不待日頭低

虛堂愚

孚上座因鼓山赴大王請雪峯門送回至法堂乃曰一隻聖箭直射九重城裏去也師曰是伊

未在峯曰渠是徹底人師曰若不信待某甲去勘過遂趨至中路便問師兄向甚麼處去山曰九重城裏去師曰忽遇三軍圍繞時如何山曰他家自有通霄路師曰恁麼則離宮失殿去也好隻聖箭中路折却了也遂舉前話峯乃曰奴渠語在師曰這老凍膾却有鄉情在 頌曰洞天無壁月無遮朝斗先生扣齒牙風撼古壇松子脫打反頭上楮冠斜

絶象鑒

青童雙勒玉驄嘶淡白春衫綠帶圍半夜歸來花底

過金鞭敲落亂紅飛

竹屋簡

二

九重城裏本非遙射折重重箭倍饒忽遇三軍圍繞處分明有路直通霄

雲門

宗主

韶州雲門文偃禪師

弘曉 雪峯

示衆曰人人自有

光明在看時不見暗昏昏作麼生是諸人自己

光明自代云厨庫三門又云好事不如無

頌

曰

自照列孤明爲君通一線花謝樹無影看時誰不見  
見不見倒騎牛兮入佛殿

雪峰題

徹底昏昏不待看柱天柱地黑漫漫三門厨庫長相

對一徑松風滿院寒

白雲端

恍恍惚惚若亡若存築著磕著厨庫三門金烏照不  
破玉兔又西奔不知是何物能爲天地根

佛心才

夜明簾外千峯秀鸞鏡臺前萬象殊掃蹤滅迹不立  
鎚鉢誰爲佛殿誰是香厨敲出鳳凰五色髓擊碎驪

龍明月珠

圓悟勤

黑黑無問東西與南北厨庫三門相對高撐天柱  
地同聚墨雖然好事不如無敢保韶陽會不得

正

覺逸

人人自有光明在看時不見暗昏昏踢倒三門與厨

庫此時明暗自然分

蔚嘯巖

雲門上堂乾坤之內宇宙之間中有一寶秘在  
形山拈燈籠向佛殿裏將三門來燈籠上作麼  
生自代云逐物意移又曰雲起雷興 頌曰  
看看古岸何人把釣竿雲冉冉水漫漫明月蘆花君  
自看

雪竇顯

嶺上白雲舒復卷天邊皓月去還來低頭却入茅簷  
下不覺呵呵咲幾回

白雲端

看看野草閑花極撩亂三月洞庭江上春烟霄飛過  
瀟湘岸

鴻山秀

帝網交羅幾萬般形山消殞影團團拈來不是無尋  
處只在乾坤宇宙間

佛心才

虎豹文章麒麟頭角輝天燦地堆山積獄拶破面門  
弓蓋色騎聲截斷羅籠弓解粘去縛罷却干戈百草  
頭萬里秋天飛一鶴

圓悟勤

續開眼也著合眼也著擬議躊躇放過一著

遜菴

隱隱烟村聞犬吠欲尋尋不見人家忽於橋斷溪回  
處流出碧桃三四花

雲門示衆曰十五日已前不問汝十五日已後

道將一句來衆無對自代曰日日是好日 頌

曰

去却一拈得七上下四維無等匹徐行踏斷流水聲  
縱觀寫出飛禽跡草茸茸烟羃羃空生巖畔花狼籍  
彈指堪悲舜若多莫動著動著三十棒

日日是好日風來樹點頭九江烟靄裏月上謝家樓

題海印信

日日是好日誰言無等匹甜瓜徹蒂甜未必甜如蜜

大洪思

冰消河北岸花發樹南枝到處有春色天涯亦早歸

方翁

破二作一分三成六著串數珠數不足南辰信手  
攀北斗回身觸豁開戶牖正當軒玉兔金烏如轉軸  
傳不傳得不得那知陌上春條綠

圓悟勤

日日是好日佛法世法盡周畢不須特地覓幽玄只  
管鉢盂兩度濕

尼無著總

雲門上堂聞聲悟道見色明心遂舉起手曰觀  
舉世音菩薩將錢買餽餅放下手曰元來祇是饅  
頭頌曰  
買得欣欣急走歸不知放手却成非直饒超過毗盧  
頂也落韶陽第二機

小院春風特地寒佳人寂寞倚闌干斷腸曲調無人聽更把琵琶月下彈

慈受深

見色心光現聞聲道已彰掣電光中分皂白海潮音裏辨宮商韶陽老慈門普發機直用千鈞弩

圓悟勸

見色明心事已差聞聲悟道更交加觀音妙智慈悲

力荆棘林中優鉢華

經山果

南無觀世音菩薩補陀巖上紅蓮舌不知成佛是何時打刀須是并州鐵

鼓山珪

擣落非他安排不多蓋覆自在隱顯包羅擡頭失却舊時路拈篙便上別人渡轉易作難拔貧成富千

人萬人恁麼去

月堂昌

頓超見色聞聲句不涉明心悟道言花落鳥啼巖下寺月明人喚渡頭船

雪菴璽

一曲風前信是誰調高爭肯落今時見無人會曲中意又把雲簫特地吹

簡翁敬

雲門每見僧必顧視曰鑒僧擬議乃曰嘆後德山圓明大師刪去顧字謂之抽顧叢林目雲門顧鑒嘆有抽顧頌頌曰

雲門抽顧笑嘻嘻擬議遭他顧鑒嘆任是張良多計策到頭於此也難施

北塔祚

雲門抽顧自有來由一點不到休休休休

真淨文入

韶陽一鑒生餽餃餡直下咬破莫怪相賺

鼓山桂

續雲門抽顧頌衲僧眼皮重眼皮重七八量雷車打  
不動打不動抽顧頌時念彌陀三兩聲追薦東村李

鬍子生西天山裏孟八郎強健福田院裏貧兒叫喚

乞與我一文大光錢

五祖戒

韶陽爲人最急切未入門來已甄別若於顧鑒裏承  
當大棒打落天邊月

典牛游

雲門因僧問如何是和尚家風師曰門前有人

人肯讀書

五燈會元作有讀書人來報或作門外讀書人報來

頌曰

藜林在處有家風且與雲門事不同門外若有讀書者任是顏回亦不通

北塔祚

家風施設不無私獨有雲門語可疑偏囑讀書人若到急來通報汝須知爲他老杜王摩詰愛我高吟落韻詩

覺海元

讀書人到切須看無弦難遇知音者端的家風說與君沒階趨進翼如也

天目禮

續讀書人報來豈在之乎者孔子與周公皆不及門

也

雲門因僧問如何是祖師西來意師曰日裏看

山 頌曰

日裏看山也是常西來祖意謾商量金毛獅子希逢  
有多是狐狸喚作狼

日裏看山好清風拂白雲夜來何處火燒出古人墳

東京淨因佛日

日裏看山滿眼青千巖萬壑闊縱橫洞門疑是雲遮  
斷到者須知路坦平

楊無爲

日裏看山言簡語端後進初機切在諦觀  
臣真不惜兩莖眉日裏看山對祖機臘月火燒春又  
綠只宜飛走會相依

三祖宗

雨餘江上兩三峯堆疊烟嵐不記重眼裏看來端的  
瞎耳根聞處出天聰

佛鑒

續收坦然曾問老師安爭似韶陽一句傳日裏華山仙

波子青

掌露夜深猿叫月當軒

波子青

日裏看山大難大難重重峭壁疊疊危巒只見嵐光  
拂拂爭知瀑布潺潺

上方益

日裏看山好好在什麼處要見老雲門不落第二句  
月林觀

日裏看山酬所問分明開口見心肝若於句裏求宗  
旨墮在差峩疊嶂間

退耕齋

禪宗頌古聯珠通集卷第三十二

日裏音山

九歌體

江居士沈正修

正性正志共施贊刻此

禪宗頌古聯珠通集第三十二卷祈元母徐氏

日孺人往生安養

豫章沙彌德定對

長辨

普書江寧魏繼浩刻

萬曆丁酉仲春徑山興聖萬壽禪寺識

詔耳財間氣出天朝

雨鉢瓦上雨三舉報

臘臘鼠不占重知裏音來

禪宗頌古聯珠通集卷第三十三

宋池州報恩光孝禪寺沙門法應集

元紹興天衣萬壽禪寺沙門普會續集

祖師機緣

六祖下第七世之五

清源下第六世之三

雲門因僧問如何是透法身句師曰北斗裏藏  
身頌曰

藏身北斗最分明只爲人多見不精巧妙妄陳心意  
解却如平地作深坑昏燈日晝何曾易青竹黃花滿  
地生

汾陽昭

老倒雲門泛鐵船  
江南江北競頭看  
可憐無限垂釣者  
隨例茫茫失釣竿

重寶題

雲門透法身  
法身何許人  
鴈回沙北塞  
鸚鵡戀西秦

靈源竹通

南嶽峯高北嶽低  
行人泣淚雨遲疑  
火星昨夜移牛斗  
照見西瞿人不知

投子音

鑿斷龍門透碧津  
洪流驟雨豈停塵  
謫仙斧月沉江底  
漁舟笑殺謝家人

天衣懷

要透龍門特地難  
却成平地起波瀾  
凡鱗欲得風雷便  
且向桃花浪裏看

佛印元

人問透法身隨宜爲指陳  
大地如膠漆  
長江波蹙顰  
法華舉

北斗藏身句雲門道處看  
南辰分六角  
北斗七星攢  
春雨霏霏潤秋風  
颯颯寒崑崙牽白象  
訶謠入大安

浮山遠

北斗藏身爲舉揚法身從此露堂堂  
雲門賺殺他家子  
直至如今謾度量

玉潤林

天上有星皆拱北  
人間無水不朝東  
時人欲識藏身處  
拈起敲箕別處春

黃龍南

雲門透法身  
從此沒踪迹  
親盡道和風暖  
三春寒更新

道吾真

東西南北上下四維橫身宇宙援破須彌

甘露天

五陵公子遊花慣未第貧儒自古多冷地看他人富貴等閑不奈蝶頭何

白雲端

北斗藏身句有由未明南北起戈矛風清月朗無雲夜莫認文星作斗牛

照覺宗

東湧西沒北斗藏身法王法令德非有隣

真淨文

北斗藏身句最玄未明向上謾勞傳黃河輶底流今

古華獄三峯頭指天

藏身北斗最分明四畔無靈廓太清猿鳥自啼山自

寂水流巖下響泠泠

草堂清

北斗藏身坐不安開軒落日倚危闌雲收月出空如水刹刹塵塵總一般

佛心才

何事文星與酒星一時分付與先生高吟大醉三千首留與人間伴月明

五祖演

透出毗盧頂上光夜來星轉斗中藏禪家不招天師訣也解交乾步踏罡

張無盡

北斗藏身句商量幾萬般貪觀天上月誰覺骨毛寒

跋山如

雲門透法身分明語露親移步登山頂峯高與月隣

楚安方

南北東西萬萬千乾坤上下兩無邊相逢相見呵呵  
唉屈指擡頭月半天

普雲圓

續雲門透法身劃斷釋迦音文殊休惆悵普賢謾沉

吟

五祖戒

北斗藏身事坦然法身無狀透何邊後人不曉前人  
意水底撐船捉月天

法華舉

北斗藏身句擬議卽差訛鑽天白鷄子不戀舊時窠

慈受深

飽粥飽飯一味齁齁早眠晏起何待封侯

與牛游

昨夜東風落萬紅半隨流水半隨風何須短艇撐明  
月自與桃源一派通

開善社

藏身北斗道彌昌三脚蝦蟆著錦襪多少病貓食死

鼠日中擡首眼無光

東山空

天地廣無邊何云藏北斗跛腳老雲門未明三八九

北斗裏藏身虛空中出沒道得一句來日頭東畔出

天目禮

雲門因僧問如何是一代時教師曰對一說

一頌曰

橫川琪

雲門因僧問如何是一代時教師曰對一說

對一說太孤絕無孔錢鉗重下楔閻浮樹下咲呵呵

昨夜驪龍拘角折別別韶陽老人得一概

雪竇顯

對一說遼天鵠萬重雲只一突韶陽老韶陽老南北  
東西無處討

正覺逸

對一說卷盡五千四十八風花雪月任流傳金剛腦

後添生銕

五祖演

對一說何卓絕富塞虛空一團錢飢來不顧飯如雷  
箇箇聚頭爭嚙齧

龍門謹

對一說五教三乘盡該攝龍宮海藏任縱橫水底泥  
牛吞却月

佛性泰

續海藏龍宮金文玉牒逗器觀機破關擊節三百餘  
會振綱宗四十九年同箇舌阿刺刺對一說諦當之  
言如截鏡

圓悟勤

雲門因僧問不是目前機亦非目前事時如何  
師曰倒一說 頌曰

倒一說分一節同死同生爲君決八萬四千非鳳毛  
三十三人入虎穴別別擾擾匆匆水裏月  
倒一說清人骨萬里無片雲拋下一團雪別別老大  
禪翁甘滅舌

正覺逸

雪竇顯

倒一說這饒舌無端都把天機泄四海九州徒蹶蹶

飛出龍宮鑽蟾穴

野軒遼

是賊識賊以楔出楔鳥迹空雲鏡像水月教兒師  
續收子迷蹤訣上樹老猫安身法活鰻鰻倒一說等閑翻  
却狐狸穴

圓悟勤

雲門因僧問如何是塵塵三昧師曰鉢裏飯桶

裏水 頌曰

鉢裏飯桶裏水多口阿師難下觜北斗南星位不殊  
白浪滔天平地起擬不擬止不止箇箇無視長者子

雪竇題

朝打三千未爲多暮打八百未爲少鉢裏飯芳桶裏

水人前切忌無分曉

白雲端

塵塵三昧彼彼不外千峯向嶽百川赴海更無一法  
不如來只箇堂堂觀自在

天童覺

見之不取思之千里杓聽將來笊籬無耳二月三月  
花開時路岐芳馥春風起直下是休擬擬鉢裏飯桶  
裏水

湛堂準

鉢裏飯桶裏水開口見膽求知已擬思便落二三  
機對面忽成千萬里韶陽師較些子斷金之義兮誰  
與相同匪石之心兮獨能如是

天童覺

塵塵三昧鉢飯桶水雲門眼中者僧身裏捏合起來

無處藏壓著磕著埋沒你

月堂昌

鉢裏飯桶裏水狗子咬人不露齒堪笑韶陽老古錐

倒地至今猶未起

無菴全

南頭買貴北頭賣賤只可聞名不可見面

且菴仁

雲門因僧問如何是雲門一句師曰曠月二十五

五燈會元作如何是雲門一曲師曰且緩緩月二十五日唱者如何師曰且緩緩

頌

曰

曠月二十五一曲超今古鎮州大蘿蔔生長在深土

佛慧泉

雲門一曲二十五不涉宮商角徵羽有人問我曲因

由南山起雲北山雨

黃龍南

楊無爲

曠月二五一曲無人舉韶陽老古錐屈指從頭數

一曲韶陽古調清多年木石化爲精廣陵傳去人何  
在留得杜鵑啼月明

大洪遂

曠月二十五騎驢不打鼓春風百草生塚上添新土

真淨文

曠月二十五韶陽曲調普欲會箇中意先天爲心祖

通照逢

憶昔雲門古老錐曾將今日示當機奇哉二百年來

事長作胡笳曲調吹

圓通儂

雲門曲調格何高轉使愁人不奈何明月清風無價數一時分付與仙陀

長靈卓

詔陽一曲二十五不屬五音亘今古刹刹觀音妙智力塵塵能救世間苦

是古佛

續臘月二十五雲門一曲新一回聞舉著笑殺洛陽人

訥堂思

臘月二十五雲門沒腸肚一曲盡情彈淳音超太古明眼衲僧休莽鹵

宥堂充

雲門一曲徹髓徹骨霽雪千峯寒梅破萼啄公子

風流鳴木鐸

松源岳

雲門一曲從來無譜韻出五音調高千古就中妙旨許誰知幾擬黃金鑄子期

無準範

雲門因僧問如何是法身師曰六不收 圓悟云一不立 頌曰

一二三四五六碧眼胡僧數不足少林謾道付神光卷衣又說歸西竺 西竺茫茫無處尋夜來却對乳峯宿

雪竇顯

六不收弓調最新能歌何待繞梁塵和風滿檻花千樹不換乾坤別是春

白雲端

一不立六不收突然那更有踪由無限青山留不住  
落花流水太悠悠

圓悟勤

續村歌社舞那伽定疥狗泥猪清淨身透徹根塵無  
佛法優曇花現十洲春

秀嚴瑞

六不收一不立清淨法身何處覓夜來一陣吹葉風  
掃盡浮雲月照壁

掩室開

雲門因僧問如何是超佛越祖之談師曰餽餅  
頌曰

超談禪客問偏多縫罅披離見也麼餽餅裡來猶不  
住至今天下有謗訛

雪竇顯

天皇蔭子孫龍潭得一箇三代渾崙吞無人敢咬破  
始自韶陽拈出來爲貽其福却貽災當時病本無人  
削迄至而今成禍胎

正覺逸

超佛越祖若何宣充齋餽餅恣情餐湖南展鉢新羅  
咬大食波斯索渡船

慈明圓

杜禪和杜禪和一箇餽餅不奈何禮拜任君頭著地  
海東船子過新羅

雲端

雲門餽餅模樣小爭似法華爐竈大飽來一任帶刀  
眠誰問西來閑達磨

白雲端

超佛越祖之談覲面相呈誰領不知箭過新羅動地

開爭餽餅

真淨文

韶陽餽餅答禪人佛祖之談道最親不落言詮休擬  
議回頭識取自家珍

雲居祐

駕空欲上九層霄脚下紅絲繫轉牢賴是龍泉未出  
匣且施一割用鉛刀

道場如

堪悲堪笑老韶陽餽餅拈來擣鼻香端的若知滋味  
者不勝滿面負慚惶

文殊道

作家手段不隨流餽餅拈來答話頭任是衲僧超佛  
祖到頭不換飽齁齁

黃龍震

雲門餽餅對超談多少禪流看不穿若是孔門真第

子自然知道化三千

佛燈珣

續雲門一枚餽餅天下衲僧咬嚼若非鋟作牙關往  
往麁齒吞却吞時易吐時難莫道從來麪一般踏著

韶陽關捩子方能平地起波瀾

慈受深

超談餽餅應時機逐塊知非師子兒敗葉霜風都掃  
盡古松方見歲寒枝

水菴一

雲門因僧問如何是諸佛出身處師曰東山水  
上行頌曰

東山水上行出處甚分明好看塵沙佛波濤四面生

王氏  
佛慧泉

諸佛出身處東山水上行目前一彈指變現自分明  
日面月面過佛手驢腳呈皆承此恩力言外度迷情

真淨文

諸佛東山水上行檻頭舉步落深坑誰知獨足拖泥  
水不薦回途十萬程

雲溪恭

諸佛出身處東山水上行促裝無伴侶獨自赴前程

大洪預

諸佛出身處東山水上行面南看北斗日午打三  
續  
更

湛堂準

東山水上行襦衫不染皂壁上畫枯松後園驢喫草

三十二相八十種好赤膊抵沙蟬爛醉和衣倒

卷體

諸佛出身處東山水上行石壓筍斜出崖懸花倒生

覺報清

要會東山水上行溪邊石女夜吹笙木人把板雲中  
拍一曲涼州恰二更

石若昭

東山水上行乾元利貞亨謗訛一箇字才子競頭爭

率菴

諸佛出身處千般謾度量東山行水上眨眼過扶桑

荆叟珏

雲門因僧問如何是佛師曰乾屎橛 頌曰

稽首金容乾屎橛應物現形如水月香臭皆從佛口

生凡聖從教同一舌

太平古  
佛鑑懇

我佛如來乾屎橛隨機平等徧塵寰迷頭認影區區者目對慈顏似等閑

問佛唯言乾屎橛非獨抽釘兼拔楔不是韶陽老古錐爭得親言出親舌

佛燈珣

不用唐言譯休將梵語傳摩醯首羅眼對面隔西天

雲門乾屎橛全超法報化無事出山遊百錢杖頭掛

鼓山珪

徑山果

問處分明答處新半同含笑半同瞋君看陌上二三月那箇枝頭不帶春

惠因淨

收韶陽乾屎橛多年硬似鍊堪笑韓爐不奈何狺狺

怨恨天邊月

典牛游

雲門大作師子吼剛把衷腸爲誰剖眼似流星尚懵然狂夫逐臭爭知有君不見巖頭有語芳咬人屎橛非好狗

懶菴

問佛答云乾屎橛明明此理難分雪金剛寶劍倒殺人鈍鋼止用新羅鋟

蒙菴岳

雲門小廝兒大作師子吼鼻孔得半邊不知失却口  
松源岳

祇箇乾屎橛雲門太饒舌喪盡目前機虛空迸出血  
毒菴常

雲門因僧問樹凋葉落時如何師曰體露金風

頌曰

問既有宗答亦攸同三句可辨一鏃遼空大野兮涼  
飈颻颺長天兮踈雨濛濛君不見少林久坐未歸客  
靜依熊耳一棲棲

雪竇顯

體露金風觸處周何須葉落始知秋清風樓上當年

事直至如今笑未休

泉大達

問標答旨答徹問宗樹凋葉落體露金風如今要識  
雲門老秋後霜林盡變紅

靈源清

因行不妨掉臂求他不如求已面前山子猶存處處  
無風浪起一聲鴻鴈忽聞盡在愁人窠裏

長靈卓

樹凋葉落何時節體露金風九月天滿目真如人不會  
一川風月正翛然

涼風落木楚山秋滿樹寒蟬噪不休紅蓼白蘋開兩  
岸不知誰在釣魚舟

佛性泰

金風體露復何言大道從來絕變遷一葉飄空天似

水臨川人喚渡頭船

白楊順

皮毛脫落盡惟有真實在全體露金風超然三句

外

本覺一

寂寂寥寥空索索徧界紛紛黃葉落東西南北絕遮

攔萬里長天飛一鶲

在菴賢

樹凋葉落聊伸問體露金風錯指蹤帶累兒孫無豹  
變等閒落在草窠中

天目禪

雲門因僧問不起一念還有過也無師曰須彌

山頌曰

不生一念豈通宗真僞分於一句中築著眼花兼杜

口須彌當面作屏風

洞山曉

念不起須彌山就中崎嶇路行難競向海門遙仰望  
四溟浩渺七金寒

正覺逸

作者縱橫終不虛應機湧出須彌盧人窮不到金剛  
際相逐年年役路途

黃龍南

不起一念須彌山逐語隨言會轉難錦鱗頽尾平生  
事剛被平人把釣竿

楊無爲

須彌山塞宇宙千眼大悲看不透除非自解倒騎牛  
一生不著隨人後

白雲端

萬仞峯前立太垂須臾眨眼落懸崖通身不損毫毛

者天上人間不敢埋

保 塵 勇

問答隨機或淺深雲門終是飽藁林如今競逐須彌  
走無限平人被陸沉

佛陀遜

不起一念海湧須彌把來便用休別針錐

真 爭 文

善對機宜作者難眉毫無際現毫端西來穿耳攢眉  
過南海波斯仰面看

照 覺 總

須彌山聳見還難烟水漫漫萬仞攢欲覓雲門端的

處把住清風一問看

地藏因心

一念沉沉過有無亘空拈出大彌盧直饒玉兔金烏  
忽宮殿巡遊落半途

張無盡

巍巍一座大彌盧荷負非干氣力麤縱使不隨言語  
會却來當面受塗糊

徑 山 果

明鏡當臺湛如水無端特地起塵埃積成山嶽面前  
立千手大悲摩不開

佛 性 泰

一波纔動衆波隨汨沒塵寰幾箇知突兀須彌橫宇  
宙縱橫妙用更由誰

踰 山 如

不起一念向道須彌舌頭一彎肉口唇兩片皮雲  
門機用妙如許不落是非知不知

天 童 覺

石筍抽條泥牛吼月誰料同舟自胡越應機湧出須  
彌山一念不生何處雪金剛寶劍當頭截

圓 悟 勤

不起一念須彌山特立當頭著眼看拈一縷絲輕絆  
倒家家門底透長安

水菴一

不起一念突出須彌聖凡莫辯箇老古錐

松源岳

雲門因僧問如何是清淨法身師曰花藥欄曰  
便恁麼去時如何師曰金毛師子

頌曰

花藥欄莫顛預星在秤弓不在盤便與麼太無端金  
毛師子大家看

雪竇顯

遊子奔馳不少安但知門外逐歌歡自家田地荒來  
久只看人間花藥欄

枯木成

是處三春花藥欄五湖禪客不須看尋枝摘葉應難

會牙爪分明子細觀

雪溪亦

金谷春光長滿眼紅藥花梢香爛熳昨夜西風一陣  
寒徧地殘芳落何限王孫醉倒不知歸猶向欄邊索  
金盞

上方益

清淨法身花藥欄眉毛刺倒須彌山誰將玉笛傳淒  
怨吹過蘆葦明月擣

佛智裕

清淨法身花藥欄分明一點不相瞞有誰得意春  
風裏時到階前子細看

退耕寧

雲門因僧問如何是學人自己師曰遊山覩水  
曰如何是和尚自己師曰賴遇維那不在頌

日

南嶽山前徑山後瀑布聲如雷電吼拈却笠子露頂  
行踏著草鞋赤腳走

佛慧泉

學人自己游山覩水只知踏破草鞋忘却來時年幾

楊無爲

游山覩水須究宗旨莫作等閑游山覩水

黃蘗勝

杖藜林下步莽苔擾擾勞生眼未開好是落花隨綠  
水一時流出洞中來

地藏思

游山覩水事尋常早晚歸來鬢欲霜踏破草鞋回首  
看數聲猿叫白雲鄉

開福寧

續收游山覩水數如麻誰識韶陽老作家截斷跛師三  
寸舌回頭總是舊生涯

肯堂充

游山覩水萬萬千千孰透韶陽語中帶玄

鐵山仁

朝西天暮東土覩水游山徐行欵步是則不動道場  
不是亦在裏許誰爲證明石霜角虎

默堂定

東村王大翁從來不睹是却將別人田喚作自己地

絕象鑒

雲門因僧問殺父殺母佛前懺悔殺佛殺祖甚

處懺悔師曰露頌曰

石火流星曾未急璇璣電轉一何遲雲門露字突然

出著眼看時鷄子飛  
正覺逸  
皺土揚塵無避處將門直到御樓前回頭不見來時  
路下是黃泉上是天

白雲端

露超宗越祖人言渠夔返魂香我道伊枷塗毒鼓

天童覺

續重關金鎖不用鑰匙舌根不動韶陽已知  
椎鑼擂鼓轉船頭席卷波翻喊激流赤脚上船乘快  
便順風相送下楊州

正菴顏

雲門露猛如虎達磨師不是祖豈不見鹽官老須彌  
爲椎虛空爲鼓又不見禾山老解打鼓休莽鹵甜瓜

游典牛

徹蒂甜苦瓠連根苦喝一喝

應菴華

半換風雷吼星移海獄昏誰知席帽下元是昔愁人

退谷雲

雲門因僧問如何是正法眼師曰普 風穴云  
瞎 黃龍心云更道箇瞎且圖兩得相見 頌  
曰

普之一字豈尋常擡首須看掣電光擬議思量生會  
解堪嗟剜肉作身瘡  
普之一字天然別著眼看時如電掣宇宙茫茫無處  
尋秤錐踏著硬如鍊

洞山聰

正覺逸

說佛說法廣鋪舒矢上加尖也太愚明眼衲僧傷覩  
見一條拄杖兩人昇

大愚芝

頂上有來真箇瞎輝天鑒地不同時大悲手裏休擎  
手獨自夜行誰得知

真淨文

但無一切心自然合大道應用在臨時莫分妙不妙

應機無出老韶陽法眼諮詢普字當機會若非師子

子一場閑夢過瀟湘

圓通僊

續正法眼普伶歎衲僧多錯舉休錯舉冬至寒食一

楊無爲

百五

明暗雙雙照用分幾人親到孟嘗門街頭不識真彌勒却向靈山問世尊

曉堂遠

精不雲門因僧問如何是啐啄之機師曰響頌曰

有問啐啄機雲門答云響昨日雷震天夜來山水長

啐啄之機響字酬過空雷電忽傾湫夜來霧靄漫天雨幾處波濤打釣舟

圓通僊

續白牯問狸奴虛空酬萬象電激不停踪谷虛誰答響啐芳啄芳清機歷掌回頭轢轢範秦時舌上葛藤長萬丈

一啐一啄當頭響合母不離窠子已出殼

絕象鑒金

雲門因僧問如何是雲門劍師曰祖 頌曰

吹毛寶劍問雲門來者投機豈更存路逢劍客如何  
也覩人攜手向南奔

北塔祚

吹毛寶劍不須抽近匣清光射斗牛日用全彰人不

見雲門祖字爲君酬

雲溪恭

三尺秋光匣裏藏時逢作者露鋒鋩如今四塞狼烟

靜不展紅旗歸故鄉

圓通傑

增雲門因僧問如何是吹毛劍師曰骼又曰齒

頌曰

誰謂吹毛劍雲門骼可知一朝權在手方見令行時

真淨文

雲門因僧問佛法如水中月是否師曰清波無

透路曰和尚從何得師曰再問復何來曰正與  
麼時如何師曰重疊關山路 頌曰

灼然水月非難取自是時人手不親韶石老師拈出了關山重疊越光新

白雲端

徧界不藏清波澄寂互換投機箭鋒相直提起向上

鉗鎚石火電光莫及便恁麼隔關山碧潭雲外不相

關

圓悟勤

續盡却命根方可關門一挨一拶電湧雷奔佛法水  
中月耳裏眼裏說差之毫釐失之千里南北東西知  
幾幾

月堂自

清波無透路轉處少人知所却月中桂清光付與誰

湛堂深

雲門示衆曰藥病相治盡大地是藥邢箇是自  
已頌曰

藥忌由來鑒作家示徒親切病如麻十方三世諸知  
識赫日光中雷電車

五祖戒

藥病相治事可嗟如何於此墮羣邪未語已前誰辨

的泊乎開口見萌芽不在思惟休卜度徒勞管見強  
紛拏世上多有如斯者不知羞恥數如麻

北塔祚

盡大地是藥古今何太錯閉門不造車通途自寥廓

錯錯鼻孔遼天亦穿却

雪竇顯

左眼不見山河右眼不見日月直得百花開時一一  
爲君分別

白雲端

被裏出指水中露觜屈指眼開搖觜身起藥病不

相治何須盡大地反笑老雲門失却娘生鼻

月堂昌

太謗訛全殺活絕承當無摸索寰中意氣闇外籌略  
倒退三千里盡大地是藥錯錯利劍七星光閃爍

圓悟勸

千里盡大眼長顰倒皆因他

雲門問僧光明寂照徧河沙豈不是張拙秀才

語僧曰是師曰話墮也頌曰

叶路縱橫得自由牢關捩轉妙全收箇中密意人難

會喝下須教水倒流

禾山方

萬丈龍門勢倚空懸崖撒手辨魚龍時人只看絲綸  
上不見蘆花對蓼紅

月菴果

問來答去無偏黨錢壁銀山作麼通縱奪臨機言話  
墮遂令千古動悲風

疎山如

續與奪雙行定是非韶陽用處太孤危這僧若與金

剛眼趙璧連城一道歸

吳古佛

分明寫出與君看意在鈎頭不在盤縱使石人開得  
口不知猶被舌頭謾

松源岳

當的帝都丁伊憂乙噎嚶若教呼吸正悞殺世間人

石鼓夷

增雲門曰衲僧家須有巴鼻方識得天下人如何  
是衲僧巴鼻代云德山頌曰

增雲門普請搬柴路次見僧遂拋下一片柴曰一  
子一條紅線兩人牽

慈受禪

收

增

標題

卷之三

二十三

大藏教只說者箇 頌曰

處處綠楊堪繫馬家家門口透長安一條大路平如掌  
自是時人措足難

慈受深

汝水向東流楚水從南至皆歸大海中鹹淡同一味  
頂門具眼底衲僧試向其中辨淺深

佛性泰

一大藏教說這箇雲門飄下是甚麼直饒於此徹根  
源貯得眼來還蹉過

增音雲門因僧問生死到來如何排遣師展手曰還  
我生死來

一作問生死到來如何  
迴避師曰在什麼處

頌曰

針眼魚吞大千界鮀蟻蟲吐妙高山太虛包括無遺

漏萬彙全歸指掌間起復滅去還來石橋路斷通身  
黑那是華頂是天台

圓悟勤

飢便喫飯困來打眠長安城外一望平田絕中邊離

言詮將軍不識烏駟馬海底犀牛把角鞭

歎堂定

收增雲門因僧問秋初夏末前程若有人問作麼生

祇對師曰大衆退後曰未審過在甚麼處師曰  
還我九十日飯錢來 頌曰

大衆退後衲僧去就豈用機關形容體究蓑翁老熟

慣風波橈棹不施船放溜

天童覺

夏末秋初萬萬千石頭路滑脚皮穿這僧劍刃翻身

疾也被雲門索飯錢

石田薰

雲門因僧問如何是法身向上事師曰向土與汝道卽不難作麼生會法身曰請和尚鑒師曰鑒卽且置作麼生會法身曰與麼與麼師曰這箇是長連床上學得底我且問你法身還解喫飯麼僧無對 頌曰

西江一吸竟無痕三世如來一口吞鳳髓龍肝香積飯萬般嘗過不須論

南堂典

三

韶陽機鋒迅雷霹靂僧問法身喫飯不喫學語之流卒說不出山河大地聊充飢四海五湖輕一吸

未識雲門向上機祇尋向下轉生疑通身是飯如何喫無口從來亦不飢

增  
收

雲門問新到你是甚處人曰新羅人師曰將什

舉手麼過海曰草賊大敗師曰爲什麼在我手裏曰恰是師曰蹲跳無對 本覺一云者兩箇有頭

無尾漢乃頌曰

新羅衲子罕曾逢風月詢來也略同可惜爲山爭一簣徒勞賓主各無功

賣雲門曰三家村裏賣卜東卜西卜忽然卜著也

不定僧便問忽然卜著時如何師曰伏惟 頌

賣卜三家村裏頭吉凶禍福辨端由忽然卜著僧來  
問生死唯將一句酬

本覺

增雲門曰平地上死人無數過得荆棘林是好手

時有僧出云與麼則堂中第一座有長處也師

曰蘇嚕蘇嚕

頌曰

舉手攀南斗移身倚北辰出頭天外看須是箇般人

水華一

聲如鳴玉靜邊門誰信幽人不見君花到海棠將寂  
寢繡衣猶把麝香熏

虛堂愚

將軍令下閃旌旗胡騎紛紛頓失威縱有突然驍驟  
者不知身已陷重圍

增

斷橋倫

雲門示衆曰古佛與露柱相交是第幾機僧無  
語師曰你問我與你道僧遂問師曰一條絇三十

文曰如何是一條絇三十文師曰打與自代

前語云南山起雲北山下雨 頌曰

南山雲北山雨四七二三面相覩新羅國裏僧上堂  
大唐國裏未打鼓苦中樂樂中苦誰道黃金如糞土

雪竇顯

一道神光初不覆藏超見緣也是而無是出情量也

當而無當嚴花之粉兮蜂房成蜜野草之滋兮麝臍

作香隨類三尺一丈六明明觸處露堂堂

油然南山雲沛然北山雨露柱咲呵呵燈籠超佛祖  
中涌邊沒西天東土樓閣門開盡日閑野老不知何

處去

圓悟勤

古佛頭柱天露柱脚踏地上古今來成一體頭柱天  
兮戴帽子脚踏地兮沒草鞋同赴大悲院裏齋

鑑勸

### 禪宗頌古聯珠通集卷第三十三

荊鄧郎中金塔千玉立施贊刻此 禪宗頌古聯珠通集第三十三卷

豫章沙彌

德定對 長州徐晉書 上元劉榮刻

萬曆丁酉仲春徑山興聖萬壽禪寺識

佛

### 禪宗頌古聯珠通集卷第三十四

禪宗頌古聯珠通集卷第三十四

宋池州報恩光孝禪寺沙門法應集

元紹興天衣萬壽禪寺沙門普會續集

祖師機緣

六祖下第七世之餘

清源下第六世之餘

收雲門有時云燈籠是你自己把鉢盂噏飯底不

是你自己有僧問飯是自己時如何師曰者野

狐精三家村裏漢師却曰來來不是你道飯是

自己曰是師曰驢年夢見三家村裏漢 頌曰

終朝噏飯費工夫不識燈籠是鉢盂多少三家村裏

天童覺

漢忙忙樹上捉鮎魚

慈受深

增  
收雲門示衆曰拆半裂三針筒鼻孔在甚麼處爲

我一一拈出來看自代曰上中下頌曰

昔年曾和睦州關負義忘恩當等閑見說吳音俱變

盡語言似廣南蠻

虛堂愚

增  
收雲門因僧問撥塵見佛時如何師曰佛亦是塵

凡菴顏爲廬山圓通西堂爲衆入室舉此公

案問慈元菴慈隨聲便喝以手撥僧曰佛亦是

塵復頌曰

撥塵見佛佛亦是塵問了答了直下翻身勸君更盍

一杯酒西出陽關無故人

增  
收雲門因僧問如何是雲門一路師曰親頌曰

雲門一路親眼裏不容塵自從五代干戈後得見昇

平有幾人

楊無爲

增  
收雲門示衆曰拄杖子化爲龍吞却乾坤了也山

河大地甚處得來 頌曰

拄杖子吞乾坤徒說桃花浪裏奔燒尾者不在擎雲

攬霧曝腮者何必喪膽忘魂拈了也聞不聞直須灑

灑落落休更紛紛纏纏七十二棒且輕恕一百五十

難放君

雪窓

養就黃龍變化材驀然平地一聲雷比圖對面教人  
見吞却乾坤吐出來

衲僧拄杖子爲龍却不尊橫拈吞佛祖倒握撼乾坤  
眼裏有睛皮有血直須一棒一條痕狸奴白牯休相  
笑只今親侍絕兒孫

投子舒

收增雲門因僧問久雨不晴時如何師曰劄 頌曰  
久雨不晴雲門道劄陽鳴奮羽翰蛟龍縮鱗鬚爲是  
時節爲是佛法一箭兩垛謾猜量眼裏瞳人眉搭颯

佛智裕

雲門這一劄吹毛光透匣若不是張華徒勞眼眨眨

月坡明

增

雲門問僧近離甚處曰西禪師曰西禪有何言

句僧展兩手師與一掌曰某甲話在師却展兩

手僧無語師又打 頌曰

虎頭虎尾一時收稟稟威風四百州却問不知何太  
險師云放過一著

雪子賓題

將成之山不進一簣老倒雲門坐而獲利釣鼈釣鯨  
手段高慣曾下海涉波濤緩放急收自得便浮家泛  
宅何飄飄

月堂昌

雲門因僧問一切智通無障礙時如何師曰掃

地潑水相公來 頌曰

掃地潑水相公來人人明鏡掛高臺碧油幢下呵呵  
唉青眼何妨特地開

慈受深

掃地潑水相公來聲高隘喝綉旗開天上玉麟來瑞  
世堪作人間將相才

水菴一

一切智通無障礙掃地潑水相公來覲面當機如激  
電寒山撫掌唉咍咍

拙菴光

雲門因有講僧叅經時乃曰未到雲門時恰似  
初生月及乎到後曲彎彎地師得知乃召問是  
你道否曰是師曰甚好吾問汝作麼生是初生

月僧乃研額作望月勢師曰你如此已後失却

目在僧經旬日復來師又問你還會也未曰未

會師曰你問我僧便問如何是初生月師曰曲

彎彎地僧罔措後果然失目

頌曰

雲門新月曲彎彎管見初明豹一斑點銕化爲金卽

易勸人除却是非難

慈受深

恰似初生月兩口無一舌到了曲彎彎把火入牛欄  
問他以手便斫額猴黑誰知有猴白向後失目果然  
是要見長人過深水

月堂昌

雲門上堂因聞鐘聲乃曰世界與麼廣闊爲甚

麼向鐘聲披七條僧無語師曰七里灘頭多蛤子  
子 頌曰

七條披向鐘聲上徧界難藏比丘相若以色見音聲  
求迦葉師兄是虛妄 鼓山珪

七里灘頭多蛤子太陽一出口俱開平生肝膽雖然  
露狡鶻何曾逐臭來 無菴全

鐘聲披起鬱多羅信手拈來不在多堪唉當年明上  
座狼忙馳逐太奔波 率菴琛

試問鐘聲披七條輕輕擊著無明發買來餽餅是饅  
頭苦哉觀世音菩薩 笑菴所居

會則事同一家不會萬別千差不會事同一家會則  
萬別千差 無門開

收增雲門因僧問如何是祖師西來意師曰沒卽道

或曰長連牀上有粥有飯或曰山河大地 頌

曰

有時順水流舟去轉柂看看又逆風船到岸時人出  
陸山重重又水重重

黃金與瓦礫恣意亂拋擲高價無人酬一地成狼籍

收竹屋簡

雲門曰直得乾坤大地無纖毫過患猶是轉句

不見一色始是半提更須知有全提時節 頌

曰

百尺竿頭弄儉是非海裏橫身更有全提時節只堪惆悵不堪陳

松源丘

收雲門因僧問如何是最初一句師曰七九六十

三 頌曰

七九六十三休云是對談當機如不薦更去問瞿雲

本覺一

收雲門因僧問如何是大修行底人師曰一榼在

手 頌曰

手中一榼絕痕瑕道聽途傳轉見賒作者至今拈不起依然獨自挈歸家

大中隆

收雲門

因僧問如何是沙門行師曰會不得曰爲甚麼會不得師曰祇守會不得 頌曰

君問沙門行沙門行最高若教人會得業性卒難逃

智門祚  
歲直

頌曰

收雲門一日問明教今日喫得幾箇餽餅曰五箇師曰露柱喫得幾箇曰請和尚茶堂裏喫茶

或

等閑垂借問端由不負平生盡吐酬竭力爲人須是

歲直

徹方知茶味解人愁

投子圭

韶陽門下足英明直歲之才又哲英雲萃堂前凹凸處不勞心力一齊平

正覺述

增收雲門問僧江西湖南還聞長觜鳥說禪麼曰不

聞師拈拄杖曰禪 頌曰

鴉鳴鴉鵠鳴鵠天然自會不從人學跛脚阿師放過一著拈起拄杖口邊吹噏噏猶勝鸕鷀啼三月提壺沽美酒杜鵑相勉不如歸

增收雲門拈起餽餅曰我只供養兩浙人不供養向北人衆無語自代曰天寒日短兩人共一枕

頌曰

半在河南半河北一片虛凝如墨黑冷地思量愁殺人叵耐雲門這老賊

龍華本

增音

雲門齊次拈起匙筯曰我不供養南僧只供養

北僧時有僧問爲甚麼不供養南僧師曰我要鈍置伊曰爲什麼只供養北僧師曰一箭兩垛有僧拈問只如前意作麼生師曰好卽同榮

頌曰

拈來匙筯普相呈不供南僧供北僧換却眼睛曾莫顧熟謾都爲不惺惺

本覺

雲門齋時問僧曰人喫飯飯喫人僧無語師自代曰謝師答話 頌曰

老倒雲門強指迷這僧無語顯全機勸君不用他尋覓一飽自然忘百飢

增

錢山仁

雲門到江州陳操尚書請齋纔見便問儒書中卽不問三乘十二分教自有座主作麼生是衲僧行脚事師曰曾問幾人來曰卽今問上座師曰卽今日置作麼生是教意曰黃卷赤軸師曰這箇是文字語言作麼生是教意曰口欲談而辭喪心欲緣而慮忘師曰口欲談而辭喪爲對

有言心欲緣而慮亡爲對妄想作麼生是教意書無語師曰見說尚書看法華經是否曰是師曰經中道一切治生產業皆與實相不相違背且道非非想天有幾人退位書無語師曰尚書且莫草草三經五論師僧抛却特入叢林二十年尚不奈何尚書又爭得會書禮拜曰某甲罪過 頌曰

作家慣戰不齊糧奪鼓攏旗勢莫當虎驟龍驤誰辨的反思仁義勝剛強

增

尼無著總

雲門上堂拈起拄杖曰凡夫實謂之有二乘析

謂之無緣覺謂之幻有菩薩當體卽空衲僧家  
見拄杖便喚作拄杖行但行坐但坐不得動著  
頌曰

二乘菩薩何言盡諸佛凡夫早晚休世事但將公道  
斷人心難似水長流

鼓山社

掣開金殿鎖撞動玉樓鐘泣露千般草吟風一樣松

徑山果

雲門是箇老闍黎衲僧巴鼻幾時知拄杖從教不得  
動春來未免倒抽枝

懶菴樞

膽逐灘灘盡心隨浪浪飛舟人報灘盡心膽一時歸

孤峯源

雲門上堂光不透脫有兩般病一切處不明面  
前有物是一又透得一切法空隱隱地似有箇  
物相似亦是光不透脫又法身亦有兩般病得  
到法身爲法執不忘已見猶存坐在法身邊是  
一直饒透得法身去放過卽不可子細檢點將  
來有甚麼氣息亦是病

頌曰

森羅萬象許崢嶸透脫無方礙眼睛掃彼門庭誰有  
力隱人智次自成情船橫野渡涵秋碧棹入蘆花照  
雪明串錦老漁懷就市飄飄一葉浪頭行

天童覺

雲門示衆曰讀經千卷紙上語 頌曰

先天後地本寥廓撥草尋芳途路樂不得春風花不

開花開又被風吹落

或華體

增雲門因僧問達磨面壁意旨如何師曰念七〇又僧問南泉達磨面壁意旨如何泉曰天寒無

被蓋

頌曰

一人會上竿一人會穿井伎倆雖不同總是一般病識得者般病衲僧鼻孔都穿盡

慈受深

雲門念七開口則失禿却舌頭有甚氣息

東山源

達磨面壁雲門念七兩箇漆桶多虛少實明眼衲僧

如何委悉當知劍去久矣不用刻舟尋跡

無相範

增潭州谷山有緣禪師

嗣大光

僧問如何是祖師

西來意師曰夜半烏兒頭戴雪天明啞子抱頭

歸 頌曰

瑞靄祥烟鎖玉樓妙年王子恣優游琉璃殿上騎金

馬明月堂前觀綉毬

丹霞淳

增京兆白雲善藏禪師

嗣大光

僧問如何是深深

處師曰矮子渡深溪 頌曰

白頭童子智尤長半夜三更渡渺茫任運往來無間  
斷不消船艇與浮囊

丹霞淳

吉州禾山無殷禪師嗣九峯示衆曰吾學謂之

嗣九峯

聞絕學謂之隣過此二者謂之真過有僧問如

何是真過師曰禾山解打鼓曰如何是真諦曰  
禾山解打鼓又問卽心卽佛則不問如何是非

心非佛師曰禾山解打鼓曰如何是向上事師  
曰禾山解打鼓頌曰

布毛拈起費人言爭似禾山一句傳打鼓一聲喧宇

宙冰寒千丈忽生蓮

投子青

一拽石二搬土發機須是千鈞弩象骨老師曾輶毬  
爭似禾山解打鼓報君知莫莽鹵甜者甜苦者苦

雪竇縣

二三四五禾山解打鼓觀音妙智力能救世間苦

正覺逸

當陽打動番南鼓萬象森羅立地聞不是大家齊則  
劇難消白日到黃昏

雪菴璉

草履爲冠松作釵一般瀟灑眼頭乖清音只在風簷  
下終日無人不下堦

虛堂愚

禾山解打鼓大地無寸土不是鄖鄖人切忌學唐步

無相範

增  
洪州鳳樓山同安常察禪師

嗣九峯

問僧眼界

無光如何得見僧曰北斗東轉南斗西移師曰夫子入太廟曰與麼則同安門下道絕人荒去也師曰橫抱櫻孩擬影皇簡頌曰

新羅激海南獄天台纖塵不礙豈涉去來回頭歛念解脫門開反憶善財尋勝友百城游徧不知回

寶宗

增同安因僧問如何是鳳樓家風師曰鳳樓無家風曰既是鳳棲爲什麼却無家風師曰不迎賓不待客曰恁麼卽四海參尋當爲何事師曰增飭自有傍人施增頌曰

如來一口吞故山深靜月黃昏光分頂後千門  
增傍坐看春回入燒痕自得暉

增同安因僧問如何是天人師師曰頭上角不全

身上毛不出增頌曰

秘殿重圍曉尚寒丹墀苔潤未排班寶香鳳燭烟雲  
丹霞淳

增同安因僧問新歲方來殘年已去莫有不受歲者麼師曰有曰如何是不受歲者師曰作麼生曰恁麼則不受歲也師曰城上已吹新歲角窓前猶點隔年燈增頌曰

舊歲新年作問端同安從此放籲預憑仗高樓莫吹笛大家留取倚闌干

懶菴樞

樓上嗚伊角已吹燈前蝴蝶夢中迷如今要識不遷義日出東方夜落西

無機惠

增  
改新羅泊嚴和尚

五燈會元作新羅國百嚴嗣谷

僧問如何是禪師曰古塚不爲家曰如何是道師曰徒勞車馬迹曰如何是教師曰貝葉

收不盡 頌曰

故國清平久有年白頭猶自戀生緣牧童却解忘功  
古冢不爲家 丹霞淳

亲懶放牛兒不把鞭

古冢不爲家

丹霞淳

四十九年成露布五千餘軸盡言詮妙明一句威音外折角泥牛雪裏眠

貝葉收不盡

貝葉收不盡一句無私萬法印千聖滿口不能宣嶺

梅漏泄春光信

雪賓宗 四

古塚不爲家漁翁舉棹出蘆花湛水無風江月迥長空撒盡暮天霞

不勞車馬迹文王去後無消息月華影裏釣魚磯萬古清風長歷歷一鏃三關俱透脫從前汗馬休拈掇須知舊閣快龍舟當年曾把錦標奪

新羅國大嶺禪師嗣谷山藏僧問如何是一切處清淨師曰截瓊枝寸寸是寶折梅檀片片皆香頌曰

乾坤盡是黃金國萬有全彰淨妙身玉女背風無巧拙靈苗花秀不知春

丹霞淳

杭州佛曰和尚

嗣雲居

夾山一日大普請維那

請師送茶師曰某甲爲佛法來不爲送茶來那  
云和尚教上座送茶師曰和尚尊命卽得乃將  
茶去作務處搖茶碗作聲夾山回顧師曰釀茶  
西十五椀意在饅頭邊山曰鋗有傾茶意籃中幾

箇甌師曰鋗有傾茶意籃中無一甌便傾茶行之時大衆皆舉目師曰大衆鶴望請師一言山曰路逢死蛇莫打殺無底籃子盛將歸師曰手執夜明待幾箇知天曉山曰大衆有人歸去歸去從此住普請頌曰

路逢死蛇莫打殺無底籃子須颶下往往事從閑話生莫將閑話爲閑話

朴翁鉛

檐板漢沒拘束餓死首陽山誓不食周粟  
虛堂愚

洪州鳳棲山同安不禪師

嗣雲居

僧問如何是

和尚家風師曰金雞抱子歸霄漢玉兔懷兒向

紫微曰忽遇客來將何祇待師曰金果朝來猿  
去摘玉花晚後鳳啣歸 頌曰

日午烟凝山突兀夜央天淡月嬋娟混然寂照寒宵  
永明暗圓融未兆前

尺素如殘雪結成雙鯉魚要知心裏事看取腹中書

方菴顯

白玉階前金鳳舞黃金殿上玉雞鳴正中來與兼中  
到昨夜雪深月正明

雪嚴欽

增同安不因僧問依經解義三世佛冤離經一字  
卽同魔說此理如何師曰孤峯迥秀不挂烟蘿

雲自高飛水自流海天空闊泳孤舟夜深不向蘆灣  
宿迥出中間與兩頭

丹霞淳

音欽州朱谿謙禪師 聰雲居 韶國師到叅次聞大  
咬靈鼠聲韶便問是甚麼聲師曰大咬靈鼠聲  
曰既是靈鼠爲甚麼却被犬咬師曰咬殺也曰  
好箇大師便打曰莫打某甲話頭師休去 頌

曰

針頭削鐵佛面刮金無處若有出手便驚  
鼠既不靈官馬相踏借使乘風廝挨廝拶千戈中立

月堂昌

太平基稟稟嘉聲振蘭若

佛燈珣

增收

朱谿問僧甚處來曰廣南來師曰彼中還有奇

特尊宿麼曰奇特尊宿並無人說著只有一人

太無慚愧師曰誰僧便指師師曰果然無慚愧

曰若不是朱谿時人冈措師以手掩鼻僧近前

師便打曰恰是師曰老僧住持事繁僧拂袖便

出師呵呵大咲曰盤陀石上藕頌曰

亂走到家來到家便亂走捉得玉麒麟咬斷別人手

月堂昌日

問著奇特尊宿指出無慚愧漢力戰當場彩旗掠亂

頭尾兩全始終一貫蟠桃一熟三千年

藕生石上誰

親見

佛燈珣

撥草瞻風客機鋒劈箭來盤陀石上藕一夜鍊花開

方菴頌

奇特老尊宿大無慚愧人盤陀石上藕喜見一番新

石溪月

雲居山第二世道簡禪師

嗣雲居

僧問孤峯獨

宿時如何師曰閑著七間僧堂不宿阿誰教你孤峯獨宿頌曰

法爾非修本十成平常酬答最分明端然指出長安

道無奈遊人不肯行

丹霞亭

豁開萬仞崖壁面通消息一條白練飛界破青山色

率菴詩

雲居因僧問路逢猛虎時如何師曰千人萬人  
不逢如何却是你逢 頌曰

不搽紅粉色不挂綠羅衣一般閑態度淡墨畫蛾眉

率菴詩

增  
收雲居簡因僧問如何是朱頂王菩薩師曰問這

赤頭漢作麼 高菴悟云這箇便是超宗越格  
底事直是無你會處須是悟了更能履踐始得

諸人還明得麼乃頌曰

朱頂王菩薩元是赤頭漢驚怪李三黑一生只賣炭

增  
收

廬山歸宗懷禪師

嗣雲居

因僧問截水停輪時

如何師曰磨不轉 頌曰

千尋竿上反筋斗大海波心擲釣鉤大體還他肌骨  
好不塗紅粉也風流

南華偈

大用縱橫掣電機燦迦羅眼尚膠鈞大體還他肌骨  
吻却憶隨他去一回

增  
收

新羅雲住和尚

嗣雲居

僧問如何是諸佛師師

曰文殊聳耳 頌曰

夢菴信

無相光中未兆身清虛渺邈豈爲隣一輪明月當軒  
照玉殿蕭蕭不見人

增撫州荷玉山光慧禪師嗣曹山僧問如何是西  
來的意師曰不禮拜更待何時頌曰

丹霞淳

虛堂寂寂夜深寒攜得瑤琴月下彈不是知音徒側耳悲風流水豈相干

丹霞淳

增衡州常寧縣育王山弘通禪師嗣曹山僧問如何是西

何是和尚家風師曰渾身不直五分錢曰太恁貧寒生師曰古代如是曰如何施設師曰隨家

豐儉

頌曰

祖代家風沒一文清貧中更是清貧著衣喫飯隨豐儉  
物物頭頭用最親

丹霞淳

增撫州金峯從志禪師嗣曹山拈枕子示僧曰一

切人喚作枕子金峯道不是僧曰未審和尚喚作甚麼師拈起枕子曰恁麼則依而行之師曰你喚作甚麼曰枕子師曰落在金峯窠裏頌

天作孽猶可違自作孽不可逭

皖山凝

金峯窠裏絕誣訛枕子拈來會也麼回鴈一聲春夢  
斷始知身世悟南柯

方菴

渾崙拈起好風規石火明明已較遲不落金峯窠窟  
裏會須赤手計便宜

石溪月

增金峯因僧問是身無知如土木瓦石此意如何

增捉著箇無知漢僧作禮出去師召閻黎僧回首  
師曰若到堂中不可舉著曰何故師曰大有人  
笑金峯老婆心 頌曰

扁舟劃斷曉江雲一曲高歌遠送君驚起灘頭野鴨  
子海天飛去不成羣

西巖惠

是身土木無知漢忍痛聲中一皺眉好是南山射石

虎縱饒沒羽亦徒爲

石溪月

增

金峯於僧堂喫餅次自拈一枚餅從上板頭轉  
一匝大衆見一時合掌師曰縱饒你十分起手  
也只得一半至晚有僧請益云今日行餅見僧  
合掌和尚道縱饒十分起手也只得一半請和  
尚全道師作拈餅勢復云會麼曰不會師曰金  
峯也只得一半 頌曰

金峯餉餅只許一半若要完全後五日看

方菴顯

增

金峯見駢道者來擎起經作攬衣勢以目視之  
駢提坐具以目視師師曰一切人道你會禪曰

和尚作麼生師曰草賊大敗 頌曰

龍起滄海虎出林端直下來也急著眼看

石溪月

金峯因僧問四海晏清時如何師曰猶是階下

漢 頌曰

四海烟塵已晏然當軒皓月照人寒大功不賜將軍

賞寶馬金鏘頓懶看

丹霞淳

增  
牧  
撫州曹山慧霞禪師

嗣曹山

僧問佛未出時如

何師曰曹山不如曰出世後如何師曰不如曹

山 頌曰

日隱青山瑞氣高梧藏丹鳳覩無寥無端石馬潭中

過驚起泥龍翻海潮

投子清

古木靈巢鶴夢迷崑崙白象倒騎歸魚鱗水漲舟潢

岸羊角風生花落溪

湛堂深

曹山不如花根本艷不如曹山虎體元班江南地暖  
塞北春寒一把柳絲收不得和烟搭在玉闌干

石

菴招

曹山不如是馬非驢不如曹山虎不食斑龍吟霧起  
虎嘯風寒達觀之士芳一見便見中下之機芳千山  
萬山瘥病不假驢駛藥延齡何用九還丹

辛菴儔

曹山霞因僧侍立師曰道者可煞熱曰是師曰

柢如熟向甚處回避曰向鑊湯爐炭裏回避師  
萬山曰柢如鑊湯爐炭又作麼生回避曰衆苦不能  
到 頌曰

崑崙片玉火中潤碧落孤烟水底圓一念翛然無異  
色任從滄海變桑田 丹霞淳

衆苦不能到特地好乾坤風光都買盡不費一文錢  
曹祐禪鏡

賀家湖上天華寺一一軒窓面水開不是閉門防俗  
客愛閑能有幾人來 天目禮

瞎却頂門三隻眼鑊湯爐炭裏優游若言衆苦不能

到端的何曾有地頭 少室陸

收增

瑞州黃檗山慧禪師

嗣疎山

問疎山剎那便去

時如何山曰畱塞虛空汝作麼生去師曰畱塞

虛空不如不去山便休去 頌曰

畱塞虛空不如不去前後際斷今亦無住倒騎佛殿  
出三門却把三門掛露柱

收增

隨州護國守澄禪師

嗣疎山

因演化大師在湖

南報慈值慈陞堂次化出問如何是真如佛性  
慈云誰無化不契遂請益師師曰汝但問來化  
理前問師曰誰有化於言下契悟乃云首座或

在衆或住持某甲誓終身相助後化亦繼師住

護國卽護國

頌曰

國

遠

誰無誰有句中玄擊碎重關道宛然若是子期聽品  
量有無從此見謗訛不謗訛唵蘇嚧悉哩薩婆訶

佛性泰

空

不取不去山更人去取

誰無誰有全機道言下反身不唧噥直饒未舉已先

行錯認敲箇作熒斗阿呵呵若人便解倒騎驢一生  
不著隨人後

秀嚴瑞

護國澄因僧問如何是本來心師曰犀因翫月

增

紋生角象被雷驚花入牙

頌曰

三脚靈龜荒徑走一枝瑞草亂峯垂崑崙含玉山光

潤涼鬼懷胎月未知

丹霞淳

護國澄因僧問如何是梵音相師曰河北驢鳴

河南犬吠 頌曰

目連求佛梵音相運盡神通不見邊誰悟驢鳴并犬  
吠圓音落落示人天

大洪遂

護國澄因僧問如何是本來父母師曰頭不白  
者曰將何奉獻師曰殷勤無米飯堂前不問親

頌曰

出門徧界無知已入戶盈眸不見親虛室夜寒何所有碧天明月頗爲隣

增  
護國澄因僧問鶴立枯松時如何師曰地下底

一場懲懾問會昌沙汰時護法善神向甚麼處去師曰三門前兩箇一場懲懾問滴水滴凍時

如何師曰日出後一場懲懾

頌曰

鶴立孤松類莫齊豈同鴛鴦狎羣雞遼陽化去無踪跡靈木迢然鳳不棲

大洪遂

占寺門前護法神會昌沙汰鼻頭辛時來天地皆同

力究竟還他有道君

冰生滴水事清高日出東方便不牢溪澗豈能留得住終歸大海作波濤

壯志稜稜鬢未秋男兒不患不封侯反思清白傳家客洗耳溪頭不飲牛

增  
潭州報慈藏嶼禪師

嗣龍牙

僧問情生智隔想

變體殊祇如情未生時如何師曰隔曰情未生時隔箇甚麼師曰這箇稍郎子未遇人在頌

木

古人一隔衲僧命脉欲識一貫兩箇五百

天衣懷

情未生時隔金毛多失色狐狸門外走縱橫笑殺裴林老禪客

楊無爲

無情由隔若爲通絲髮之間路萬重可惜兩頭空走者不能直下見其宗

白雲端

報慈一隔佛祖命脉放去收來聖凡罔測

開福齋

續收隔青天無雲轟霹靂藂林衲子如稻麻不知幾箇

僧行客

大中隆

江南船海南船把柂張帆知節拍隨波逐浪幾時休撒手到家頭已白

大洪遂

隔穿耳胡僧眼睛黑東院西邊是趙州觀音院裏安

彌勒

石門招

增

襄州萬銅山廣德延禪師

嗣青林虔

度

僧問如何

是透法身句師曰無力登山水茅戶絕知音

頌曰

體妙探玄盡涉程爭如野老異中行功忘日用平懷穩免事君王寵辱驚

丹霞淳

收襄州石門獻蘊禪師

嗣青林虔

僧問如何是和

尚家風師曰物外獨騎千里象萬年松下擊金鐘

頌曰

夜明簾外月朦朧騎象翻身擊寶鐘洪韻上騰三界

外聾夫何事睡猶濃

收增

袁州木平山善道禪師

嗣璿龍文

初采洛浦問

一漚未發已前如何辨其水脉浦曰移舟諳水  
脉舉棹別波瀾師不契乃參蟠龍亦如前問龍  
曰移舟不別水舉棹卽迷源師從此悟入頌

曰

金烏玉兔兩交馳照破威音未兆時若謂青霄別有  
路木人依舊皺雙眉

丹霞厚

移舟曾不別澄源舉棹波生豈更堪要會一漚初未  
發木人半夜好同參

本覺一

滔滔一脉混常流纔觸波瀾卒未休岸闊風清澄皓  
月漁翁撥棹宿汀洲

曉菴成

收增木平因僧問如何是西來意師曰石羊頭子向

東看 頌曰

木平道高最難過人問西來意若何石羊頭子向東  
望月明纔上偏山坡直言不用多疑慮海澄浪息見  
森羅

分陽招

老胡萬里向支那直至而今不奈何堪嗟牧童誰問  
路一聲長笛過前坡

佛印元

不勞斤斧弄巧成拙壞衲通身頭髮若雪著雙破草

鞋踏破澄潭月祖意石羊頭向東一漚前事如何說  
法雲秀

木平本自無斤斧好肉那堪著灸癩直指西來親切  
意石羊頭子向東看

照覺總

收續石羊頭子向東看大地茫茫被眼謾月映寒潭清  
徹底雲收華岳露巒

野菴璇

石羊頭子向東看祖意明明會者難不惜當陽重指  
注今朝九日菊花斑

此山應

禪宗頌古聯珠通集卷第三十四

刑部郎中金壇于玉立施賞刻此 禪宗頌古聯珠通集第三十四卷 謹草冰彌  
德定對 長洲余晉書 金陵周堂刻 萬曆丁酉仲春徑山興聖萬壽禪寺藏

禪宗頌古聯珠通集卷第三十五

宋池州報恩光孝禪寺沙門法應集

元紹興天衣萬壽禪寺沙門普會續集

祖師機緣

六祖下第八世之一

南嶽下前第七世

臨

嗣南院

汝州風穴延沼禪師

師在郢州李史君衙內度夏普請大會請師陞座乃曰祖師心印狀似錢牛之機去卽印住住卽印破祇如不去不住印卽是不印卽是還有人道得麼時有盧波長老出問學人有鐵牛之機請師不搭印師

曰慣釣鯨鯢澄巨浪却嗟螭步驥泥沙陂住思  
師喝曰長老何不進語陂擬議師便打一拂子  
曰還記得話頭麼試舉看陂擬開口師又打一  
拂子牧王曰信知佛法與王法一般師曰見甚  
麼道理牧王曰當斷不斷反招其亂師便下座

頌曰

擒得盧陂跨鎌牛三玄戈甲未輕酬楚王城畔朝宗

水喝下曾令却倒流

雪竇顥

鋒頭壁立鎌牛機十字縱橫寶劍揮一陣賊軍俱粉  
碎凱歌齊和太平歸

保寧昇

列聖風規初不放過擬跨鎌牛驀頭印破盧陂當斷  
却沉吟電轉星飛被活擒喝下機鋒如霹靂三玄戈  
甲振叢林

圓悟勤

續收  
錢牛之機印住印破透出毗盧頂顙行却來化佛  
舌頭坐風穴當衡盧陂負墮棒頭喝下電光石火歷  
歷分明珠在盤貶起眉毛還蹉過

天童覺

全鋒敵勝鐵牛機電掣雷奔已是遲等閒活捉盧陂  
老縱饒猛略若爲施君不見寰中意氣闇外威權擬  
議衝前總滅門

贊菴需

一句猶如劈箭機纔生擬議犯重圍分明佛法同王

法只許當年牧主知

簡翁敬

風穴上堂若立一塵家國興盛野老顰蹙不立

一塵家國喪亡野老安貼於此明得闍黎無分  
全是老僧於此不明老僧却是闍黎闍黎與老

僧亦能悟却天下人亦能瞎却天下人欲識闍

黎麼右邊一拍曰這裏是欲識老僧麼左邊一

拍曰這裏是頌曰

野老從教不展眉且圖家國立雄基謀臣猛將今何  
在萬里清風獨自知

雪竇顯

立國仍教野老欣威行閭外不揚塵縱橫莫測文兼

武宇宙茫茫有幾人

白雲端

蟠然渭水起垂綸何似首陽清餓人只在一塵分變  
泰高名助業兩難泯

天童覺

幾許歡心幾許愁好看野老兩眉頭家邦平貼清如

鏡水瘦山空一樣秋

增

五祖演云太平卽不然若立一塵法堂前草深

一丈不立一塵錦上鋪花何也不見道頌曰

九九八十一窮漢受罪畢纔擬展脚眠蚊蟲竊蚤出  
且看雙放更雙收有底歡聲有底愁一切聖賢如電

拂大千沙界海中沤

雪巖欽

家國分明得自由盛衰全在一塵收將軍戰馬眠方  
熟野草從教滿地愁

竹屋簡

增  
風穴參南院院間近離甚處師曰南方曰南方  
一棒一喝如何商量師曰作奇特商量曰我這  
裏不然師曰未審此間一棒一喝如何商量曰  
一棒下無生忍臨機不見師師便省頌曰

有喝端如探竿草無師血脉通紅線當陽不識李將  
軍徒學穿楊一枝箭

南嚴勝

風穴因僧問語默涉離微如何通不犯師曰常

憶江南三月裏鷓鴣啼處百花香頌曰

鷓鴣啼處百花香拊掌呵呵咲一場因憶舊年游歷  
處送人雲塢入斜陽

海印信

鷓鴣啼處百花鮮江國從來路坦然爲報途中未歸

客謝家人不在漁船

寶峯明

快騎駿馬上高樓南北東西得自由最好腰纏十萬  
貫更來乘鶴上揚州

鼓山莊

忽爾出門先見路纔方下脚便登船神仙秘訣真堪  
惜父子雖親不可傳

續  
彩雲影裏神仙現手把紅羅扇遮面急須著眼看

徑山果

仙人莫看神仙手中扇  
佛鑑勸

不露風骨句未語先分付進步口喃喃知君太罔措  
無明明月

風穴因僧問如何是佛師曰杖林山下竹筋鞭  
頌曰

杖林山下竹筋鞭南北行人萬萬千莫怪相逢不下  
馬東西各自有前程

慈明圓

杖林山下竹筋鞭枝節蕭疎古澗邊要會宗師開正  
眼滿輪午夜照秋天

海印信

杖林山下竹筋鞭搭索牽釣火裏牽拽近不能推向  
後回旋却到使君前

道吾真

杖林山下竹筋鞭頭尾拈來總一般莫怪玄沙不出  
嶺他家元是釣魚船

雲峯院

杖林山下竹筋鞭水在深溪月在天良馬不知何處  
去阿難依舊世尊前

真淨文

杖林山下竹筋鞭南北行人萬萬千堪笑一堂無事  
客卧雲深處不朝天

雲溪恭

杖林山下竹筋鞭拈出寒巖尚帶烟扶過斷橋曾得  
力而今不直半分錢

上方益

杖林山下竹筋鞭六月行人口吐烟曾在祝融峯  
頂見十分月出在平田

東山空

杖林山下竹筋鞭憣鉢提舌在天羣黨元來諱空  
手起家消息在荒田

或菴體

風穴因僧問如何是清淨法身師曰金沙灘頭

馬郎婦頌曰出家處油帶歐夫離會日

正覺逸

金沙灘裏馬郎婦宗匠臨機發一言自笑箭穿紅日

影孰云斫水不成痕

相逢盡道歸山去林下何曾見一人回首面南看北

斗金鷄早報五更春

浮山遠海印信

截鐵之機安可測頓開千眼莫能窺禪人到此徒名

邈錯認查梨作乳梨

何年嫁事馬家郎鳳枕同歡碧玉牀回首畫橋離別

苦落花流水淚千行

張無盡

續增十分美麗誰家女百倍聰明是馬郎堪笑金沙灘  
畔約始終姻姪不成雙

或菴體

風穴因僧問如何是佛師曰如何不是佛曰學人未曉乞師再指師曰家住海門東扶桑最先照  
頌曰

眉間一道白毫光歷劫知將甚處藏永夜寥寥天未曉更須所額望扶桑

保寧勇

增風穴到黃龍龍曰石角穿雲路垂條意若何師

曰紅霞籠玉像擁嶂照川原曰恁麼則相隨去  
也師曰和尚低聲 頌曰

無價明珠暗處懸夜深將把木人穿誰知却被泥牛  
見吞入紅霞碧浪淵

收增風穴因僧問如何是道師曰五鳳樓前曰如何  
是道中人師曰問取城隍使 收頌曰  
深宮禁殿隔重闈簾靜簷楹紫氣垂苔地不通朝請  
近家人指路莫遲疑

收增風穴因僧問麈鹿成羣如何射得麈中主曰釣  
船載到瀟湘岸氣咽無寮問白鷗 收子青頌曰

禁殿重闈視聽危側思偏立絳綸垂漢鄉雲斷汀洲  
廻嶺莫猿啼孤月隨

收子青

風穴因僧問如何是學人親切處師曰須彌南  
畔齊打鼓賀蘭山前築皮毬 收子青頌曰

親切曾伸問老翁東山歌唱北山吟弄潮須是吳江  
客別語還他漢地人

收子青

風穴因僧問古曲無音韻如何和得齊師曰木  
雞啼子夜芻狗吠天明 收子青頌曰

古巖月色鎖重雲枯木迎芳晚帶春昨夜星河隔  
南斗金烏隨鳳過天輪

收子青

汝州穎橋安禪師號鐵湖嗣南院向火次因鍾

司徒問三界焚燒如何出得師以香匙撥開火

鍾擬議師召曰司徒司徒鍾忽有省 頌曰

三界炎炎如火聚道人未有安身處連忙撥火召司

徒眼上眉毛渾不顧眉毛落盡人還生死火寒灰解

脫坑奉報禪人急跳出莫教日午打三更

高聲撥火召司徒火燄炎天驅面驅底向此間能穩

坐任教門外雪盈衢

右父川

三界焚燒要出離見春來了見春歸是 he 不見春來

去日出東方夜落西

閑極雲

僧吉州資福貞邃禪師

嗣資福寶

僧問如何是古

人歌師作此○相示之 頌曰

一曲兩曲深夜彈松風和雨過前山可憐下玉離荆  
岫誰是知音却取還

投子青

僧郢州芭蕉山繼徹禪師

嗣芭蕉清

僧問有一人

不捨生死不證涅槃師還提携也無師曰不提  
携曰爲甚麼不提携師曰林溪麤識好惡 頌

曰

百歲兒童出戶來滿身紅爛惹塵埃火中閑步清涼  
地識者無因敢近擡

投子青

六祖下第八世之二

清源下第七世

鄂州黃龍山誨機禪師

嗣玄泉彥

僧問風恬浪

靜時如何師曰百尺竿頭五兩垂 頌曰

百尺竿頭五兩垂窮沙絕漠任風吹可憐無限滄浪客猶把南針定所歸

石林輩

婺州明招德謙禪師

嗣羅山

纔集師曰風頭稍硬不是汝安身立命處且歸

暖室商量便歸方丈大眾隨至立定師又曰纔

到暖室便見瞌睡以拄杖一時趨下 頌曰

堂上非常凜冽衆人誰敢當頭只見西風刮地豈知

一葉驚秋暖處去極停囚無人爲與塞咽喉須信高  
皇功業大鴻溝兩岸一時收

佛慧泉

風頭坐斷進還難衲子相將不易看未到潼關天已  
曉不堪回首望長安

開福寧

風頭稍硬難安立暖氣纔通瞌睡來却笑明招閑費  
力無端兩處強差排

鼓山珪

夜半明星當午現愚夫猶待曉雞鳴可憐自屎不知  
臭又欲重新拈似人

風前露出無瑕璧室內擎將如意珠兩度獻渠渠不  
識可憐流落在江湖

佛性泰

續 鶴鶩鳥守空池魚從脚底過鶴鶩總不知

懶菴  
雷雨

稍硬風頭早已乖更將暖處自沉埋反令千古成踪  
跡枉喫羅山白飯來

風頭稍硬無棲泊暖處商量一句無老倒不堪醫世  
患謾將毒藥當醍醐

東山源  
斷橋倫

前頭計較既不成後面安排亦不是古時若有今時  
人不落他家圈穢裏

明招因僧問虎生七子那箇沒尾巴師曰第七  
箇沒尾巴 頌曰

無尾大蟲難傷近近前便是傷人命除非自解據虎

頭自然頭正尾亦正

鼓山珪

第七菸蒐沒尾巴食牛之氣已堪誇  
藪林悱悱爭唇吻幾箇行人得到家

徑山果

第七箇沒尾巴不落羣隊獨露爪牙擬心湊泊終難  
見須信蓮開火裏花

松源岳

福州地藏桂琛禪師  
嗣玄沙問僧什麼處來曰  
南方來師曰南方佛法如何曰商量浩浩地師

曰爭似我這裏種田博飯喫曰爭奈三界何師

曰喚什麼作三界 頌曰

種田博飯喫言中誰辨的午後打齋鐘真金曾失色

種田博飯喫佛法要商量言下超三界靈機發妙光

靈源清

種田博飯待方來玄妙商量一任猜無影樹頭懸日月幾人於此便心灰

曼古佛

宗說般般盡強爲流傳口耳便支離種田博飯家常事不是飽參人不知參飽明知無所求子房終不貴封侯忘機歸去同魚鳥濯足滄浪烟水收

天童覺

種田博飯有來由免見區區向外求莫謂勞心便勞力大都工拙要全收

雲峯嚴

續  
千鈞發重機千古仰遺則雖連十五城那換相如  
璧商量浩浩地爭如種田博飯喫一片殊勝緣兩段  
俱奇特要知火裏鉢曇花天上人間不可加

佛鑑

種田博飯喫飽卧長伸脚把將三界來安向左邊著  
引得龍牙古老錐手裏把柄破木杓

無準範

增

地藏翫月曰雲動有雨去有僧曰不是雲動是

風動師曰我道雲亦不動風亦不動曰和尚適來又道雲動師曰阿誰罪過

頌曰

風起心搖樹雲生性起塵若明今日事昧却本來人

龍濟修

古今聖賢卷之三十五

若教捉物入迷津但有纖毫即是塵不信舊時無相貌外尋知識也非真

草堂清

雲生洞裏陰風動林間響若明今日事半斤是八兩

上方岳

樹動風搖塵生雲起太上老君何曾姓李

斷橋倫

鼎州大龍山智洪禪師

嗣白兆圓

僧問色身敗

壞如何是堅固法身師曰山花開似錦澗水湛

如藍

頌曰

問曾不知答還不會月冷風高古巖寒檜堪笑路逢  
達道人不將語默對手執白玉鞭驪珠盡擊碎不擊

碎增瑕穎國有憲章三千條罪

雪竇顯

山花如錦水如藍雲在高峯月在潭兩箇泥牛闖入  
海行人脫袴杖頭擔

地藏因

山花如錦春長在澗水如藍碧湛然信步白雲深處  
去須知別有洞中天

佛鑑勸

色身敗壞世常情一點靈光到處晶澗水如藍花似  
錦法身何處不分明

南堂興

雲散蟾輪滿烟收岳面高泥牛穿巨海轉角起風濤

京兆府天寧璉

山花如錦水如藍親見文殊接話談十字街頭輕

一機前三三對後三三

陪堂遠

大龍景物最幽妍澗水山花照眼鮮堅固法身何必  
問風光長在劫壺先

天目禮

山花似錦水如藍突出乾坤不露顏曾踏武陵溪畔  
路洞中春色異人間

無準範

襄州白馬山行靄禪師  
嗣白兆圓僧問如何是  
清淨法身師曰井底蝦蟆吞却月  
頌曰

九重深密視聽難玉殿瓊樓宿霧攢焚理盡歸臣相  
事輪王不戴寶花冠

丹霞淳

頤州薦福思禪師  
嗣護國澄僧問古殿無佛時

如何師曰梵音何來曰不假修證如何得成師  
曰修證節不成 頌曰

古殿苔生像不安霜風八面逼人寒梵音忽奏誰能  
會人天盡聽玉珊瑚

大洪遂

古殿無佛梵音何來夢中喚省樓閣門開靈光一點  
絕塵埃耀古騰今徧九垓

增洪州同安志禪師

嗣同安不

僧問二機不到處

如何舉唱師曰徧處不逢玄中不失 頌曰

這邊那畔總難逢一句無私不處中紅日暮沉西嶂  
外空留孤影照溪東

丹霞淳

同安志因僧問凡有言句盡落今時學人上來  
請師直指師曰目前不說句後不迷又問如何  
是向上事師曰迥然不換標的卽垂頌曰  
天黑雲深飛莫鴉鷺立雪對蘆花幸然不屬今時  
事句後聲前會卽差

古襄州廣德義禪師

嗣廣德延

僧

問

古

人

云

語

古

人

道

斷

非

去

來

今

此

理

如

何

師

曰

彌勒涅槃知幾

劫護明猶未降迦維頌曰  
妙湛圓明第一機降生成道涅槃時迦維摩竭雙林  
樹認著元來不是伊

丹霞淳

廣德義因僧問久負不逢時如何師曰扇開人  
不遇陋巷莫能收頌曰  
妙體堂堂相好全青霄獨步躡金蓮千華臺上猶慵  
坐弊垢襯衫豈肯穿

增襄州廣德周禪師嗣廣德延僧問教中道阿逸  
多不斷煩惱不修禪定佛記此人成佛無疑此  
理如何師曰鹽又盡炭又無日鹽盡炭無時如  
何師曰愁人莫向愁人說說向愁人愁殺人

收放隨時雖有準出門入戶恐難論長安路子君須

頌曰

到莫向深村草裏蹲

虛堂愚

故襄州石門慧徹禪師

嗣石門蘊

僧問實際理地

如何進步師曰鳥道無前僧曰幽谷白雲藏白  
雀擬心樓處隔山迷頌曰

幽谷白雲藏白雀擬心樓處隔山迷直饒不住樓心  
處猶落怡山第二機

懶菴需

石門徹因僧問如何是三乘教外別傳一句師

曰東村王老夜燒錢頌曰

東村王老夜燒錢草鞋踏地帽指天家無白澤招禍  
福窮時相炒餓相煎

洞山總

三乘教外別流傳瞎漢多知喚作禪天下衲僧叅不到東村王老夜燒錢

楊無爲

東村王老夜燒錢眼中塵霧口中烟招神引鬼成妖  
怪三脚蝦蟆飛上天

地藏恩

續東村王老夜燒錢野鬼閒神滿目前休更逢人覓玄  
旨謝家人不在漁船

上方益

王老夜燒錢白日看星月磕頭禮慈尊手把名香

爇

道五吉真

木食草衣隨分過此身贏得樂天真忽咨教外別傳

句未免燒錢引鬼神

寶葉源

191701 123456789 1901 123456789 1901 123456789

王老燒錢言端語端錦包特石鐵裏泥團

退耕寧亭

增  
收石門徹因僧問雲光作牛意旨如何師曰陋巷

不騎金色馬回途却著破襴衫

頌曰

瑞草叢中懶欲眠徐行處處逍遙然披毛戴角人難

識爲報芒童不用鞭

增  
收

郢州太陽慧堅禪師

嗣靈泉仁

因僧問如何是

玄旨師曰壁上掛錢財

頌曰

輕輕人問玄中旨便吐肝腸說與他木人暗皺雙眉

處石女多言爭奈何

投子青  
丹霞淳

玄旨玄旨壁上錢財挂起家門幸自平安白日招神

引鬼

楊無爲

玄旨分明白學人錢財壁上挂金銀連珠六貼三千

貫不濟飢寒不濟貧

張無盡

增  
收鼎州德山圓明緣密禪師

嗣雲門

上堂大衆及

盡去也直得三世諸佛口挂壁上猶有一人呵

呵大咲若識此人參學事畢

頌曰

雙盲入暗路崎嶇日落栖蘆暫得甦爭似石人眠夜

半免教舜讓守林居須知花綻非干木無脚行時早

觸途昨朝風起長安道元是崑崙進國圖

牧把斷襟喉風磨雲拭水冷天秋錦鱗莫謂無滋味

投子青

釣盡滄浪月一鉤

天童覺

青山是父白雲兒雲散青山總不知玉兔晝眠雲母

地金烏夜宿不萌枝

足菴鑒

岳州巴陵新開院顥鑑禪師

嗣雲門

僧問如何

是道師曰明眼人落井 頌曰

落井須明出井機直宜擡眼動睛輝於斯倜儻無纖

隔祖道汪洋得旨歸

洞山聰

南北東西苦問人新開多口接迷津從茲八駿追風

急空望悠悠脚下塵

佛印元

好箇明眼人落井藂林話會幾時休修心未到無心

地萬種千般逐水流

正覺逸

明眼人落井靈丹透金鼎黑水崑崙奴夜過漫天嶺

覽海元

秋夜霜天月正明仰觀星象約三更一條大路平如

掌歸去何妨徹曉行

保寧勇

明眼人落井波斯上古臺龍門三級浪死水有曝腮

長靈卓

明眼人落井西方在東嶺捉得箇饅頭開拳是餽

餅

海印信

語不邪笑不來拙鋪設巧安排猢猻將板拍野老舞

三臺

治父川

巴陵一句子對面却相謾大地平如掌何事放無端  
誰解當頭領坐斷毗盧頂稽首老巴陵明眼人落井

月林觀

明眼人落井恩深怨亦深海枯終見底人死不知心

公羽錄

巴陵因僧問如何是吹毛劍師曰珊瑚枝枝撐著月  
著月 頌曰

要平不平大巧若拙或指或掌倚天照雪大冶今磨

磬不下良工兮拂拭未歇別別珊瑚枝枝撐著月

雪竇顯

珊瑚枝枝撐著月射斗鋒鋩未足觀四海盡來歸貢  
後乾坤同耀寶光寒

白雲端

價重三千不可圖從教千古強名模長因塞北烟塵  
息記得江南啼鶲鵠

長靈卓

脫得邊城戍役身却來偷賞上園春御街前畔低  
聲語不覺衝他貌事人

心聞賁

巴陵因僧問如何是提婆宗師曰銀梳裏盛雪

頌曰

老新開端的別解道銀椀裏盛雪九十六箇應自知  
不知却問天邊月提婆宗提婆宗赤旛之下起清風

雲寶顯

大冶精金澄潭皎月南北東西孰分優劣昨夜春風  
一陣來掃盡千山萬山雪

海印信

人天會上分綯素龍象堂前定是非選甚邪魔并異  
類好教齊向此中歸

保寧勇

銀椀裏盛雪冰壺含寶月縱具四韋陀到此虛搖舌  
西天令嚴此土還別

佛性泰

續提婆宗銀椀雪泰華摧滄海竭赤旛之下起清風

吹落楊花硬如鐵

佛心才

巴陵因僧問祖意教意是同是別師曰鷄寒上

樹鴨寒下水

頌曰

同別祖教問端由便將元價與他酬絲綸夜靜人垂  
釣曉得金烏帶月收

投子青

昨夜三更屈指輪世間休說兩三人數聲長笛離亭  
晚君向瀟湘我向秦

佛性泰

雞寒上樹鴨寒下水三百餘會不能宣九年面壁徒  
瞌睡休瞌睡上是天苦下是地

佛性泰

雞寒上樹鴨寒下水時節不相饒古今自然理寒松

十里吼清風流水一溪聲未已

湛堂準

一朶梨花春帶雨金色頭陀笑不語龍宮海藏月

續收

明前織女姮娥相對舞咲者咲舞者舞十方無虛空

大地無寸土

南堂興

雞寒上樹鳴寒下水驚嶺費分疎少林提不起千峯

寒色露全機貶上眉毛千萬里

寂巖中

雞作蒼鷹拏鼈鼻鴨爲金翅作綈龍空王以此垂洪

範錦上鋪花知幾重

南巖勝

般若啓柔禪師

嗣雲門

僧問西天以蠻人爲驗

未審此土以何爲驗師曰新羅人草鞋

頌曰

龜毛拈得笑咍咍一擊萬重關鎖開假使蠻人似冰  
結當甚新羅人草鞋

枯禪鏡

益州青城香林院澄遠禪師

嗣雲門

僧問如何

是西來的的意師曰坐久成勞曰便回轉時如

何師曰墮落深坑 頌曰

一箇兩箇千萬箇脫却籠頭卸角駛左轉右轉隨後  
來子湖要打劉鐵磨

雪竇顯

香林無雜木一一是旃檀野火忽然發清風天地寬

祖意報爾曹坐久自成勞

禪家流何太錯只管追求無病藥若知煩惱卽苦提

坐久成勞亦安樂

佛鑑勸

續絕消息處捉來有形影中走却只因懶問兒孫要把禪衫反著坐久成勞位次已高起時失却人天相

無限行人認白毫

月堂昌

香林因僧問如何是衲衣下事師曰臘月火燒

山頌曰

臘月燒山萬種千般翹松鶴冷立雪人寒達磨不會

大難大難

雪竇顯

臘月火燒山天邊兩曜還香林曾未會空坐劍門關

佛印元

僧問衣下事師答火燒山佛手遮不得人心似等閒

正覺逸

歲晚年來正苦寒千林木葉盡凋殘炎炎野火無流

水應是隨風過別山

上方益

老大葉林快說禪不將禪挂口皮邊谷深山遠空無像何處人呼應不圓

天童順

臘月燒山特地無端錦包特石鐵裏泥團團

臘月山頭火亘天衲衣下事若爲傳老來不是觀時

節困卽長伸兩脚眠

白楊順

續偉哉臘月火燒山

圓悟勤

1701

1801

1901

巢知風穴知雨可憐謝三郎月下自搖櫓

文殊能

臘月燒山對面熱謾簪然悟去身在長安咄哉無限  
未歸客沙裏末油實可憐

石窓恭

香林臘月火燒山鐵眼銅睛見亦難腦後一星輕點  
著三千里外髑髏乾

拙菴光

臘月火燒山苦口是黃連相將歲除夜竇入布衫穿  
大可憐把手入黃泉

光菴頌

衲衣下事火燒山臘月家貧徹骨寒堪嗟連延曾未  
息眉毛焦赤面皮乾

天童禪

香林臘月火燒山冷淡家風退後看閑裏果然輕踏  
著方知日午打三更

百拙菴

臘月燒山天寬地寬築著瞞著徹骨毛寒

松源岳

高源泉臘月火燒山天寬與地寬常啼菩薩苦滿市鬻心肝

臘月燒山有甚相謾漆桶不快休要胡鑽

朴翁鉗

香林因僧問如何是衲僧活計師曰耳裏種田

頌曰

耳裏種田滿口含烟鍾馗解舞十八拍張老乘槎上

九天

無菴全

香林因僧問萬頃荒田是誰爲王師曰看看臘月盡

增  
月盡

頌曰

綉毬拋出畫堂前妙轉無私體自圓真箇要行劒刃事更須再見老雲門

石君明

萬頃荒田誰是主須知答處有來由箇中若也無人

委臘月看看又盡頭

看看臘月盡日用事如何富嫌千口少貧恨一身多

雲袖慶

香林因僧問如何是室內一椀燈師曰三人證

增  
龜成鱉

頌曰

龜成鱉井底泥牛氣噎直饒辯鴻懸河有理

別別一回喫水一回噎

圓悟勤

枝子青

六耳阿謀事不成直言心表走心人室中燈焰誰來撥白髮兒童兩鬢新

皎皎清光徧界莫藏聲拋不出色豈能彰直下斬釘截鐵刻却古今途轍高出臨濟德山三人證龜成鱉

別別一回喫水一回噎

佛性泰

三人證龜成鱉井底泥牛氣噎直饒辯鴻懸河有理亦難分雪耿耿孤光常皎潔

七花八裂

水菴

三人證龜成鱉剛把天機漏泄木人嶺上唱歌石女

眼中滴血

懶菴需

室内一盞明燈等閑一擣業滅自然不辨東西免得

證龜成鱉

退菴奇

禪宗頌古聯珠通集卷第三

五

刑部郎中金壇于玉立施貴刻  
禪宗頌古聯珠通集第三十五  
德定對長洲徐普書上元李萬曆丁酉仲春徑山典聖道青禪

豫章沙禪  
典刻識